



Iulai 2021

MAFAUFAUGA: OLE FAAPALEPALE E TU'U AVANOA

Toe faatalofa atu fo'i ma ofo alofa atu i le Paia ma le mamalu tele o le tatou Kapelenisia i le amataga o lenei fo'i masina fou, le masina lona fitu ole Tausaga 2021. Faamalo le soifua lelei, malo le folau manuia. O lea ua sau nei le va'a na tiu. Tau mai le va'a na tau. A'o loo mamau pea lago o le va'a na fao afolau. O Paia ole Atua, gona ia i le au va'a tootoo o le talalelei. Paia ma mamalu o le Atunu, ta'oto atu ia i to'oto'o uli ma to'oto'o sina, aua o la latou fatuaiga tausi lea.

O loo tatou to'a pea i Nu'u lelei ona o le Pule faasoa a le Atua lo tatou Tama, o ia lava ua fai ma o tatou faavae Papa. E ui lava fo'i ina o loo matagitogaina le folauga ona o lenei faama'i faigata. Peitai e tumau pea le alofa tausivaatele o lesu ma lona Tina, o lo'o malutiaina ai pea i tatou uma, pe a'o ina pesi mai matagi malolosi ma faafitauli o le olaga nei.

Ae fai mai le manatu autu o ni mafaufauga faaleagaga e tapena ai fo'i tatou mo lenei masina. "O LE FA'APALEPALE E TU'U AVANOA." O se tasi o mataupu laualuga ile finagalo Alofa o le Atua mo le lalolagi, ole ola faamagalo. E tele a'oa'oga mai le Tusi Paia faasino i lenei mataupu. O a'oa'oga e iloa ai pe faapefea ona fai, pe faafia ona fai, poo ai fo'i e fai i ai, aisea fo'i e fai ai, a'o a fo'i ni lelei e tatou te maua mai ai, ia atoa ai ma isi mau mataupu 'ese'ese. Fai mai se tasi alii kerisiano, "E sili ia te a'u le ulagia ma amusia faaselau, nai lo lo'u faatupuina o lo'u fatu e pei se ma'a." (I'd rather be cheated a 100 times, than to develop a heart of stone.) O lona uiga o lea manatu, e le faatusaina le maloloina o le fatu ua fafia/masani i le faamagalo atu, i le fatu e liua avea ma ma'a ile faigata ona faamagalo atu.

Ole fefaapalepalea'i, o le faasoa lea o avanoa- o le avanoa e tu'u mo le tagata ua faia se agasala e toe salamo ai, a'o le avanoa fo'i mo le ua agaleagaina e faamagalo atu ai. Ia manatua lelei, e le ia te oe se filifiliga sa'oloto po'o ai e faamagalo. O le alofa, o le poloaiga. O le faamagalo atu, o le usuta'i lea i le poloaiga. Ua uma ona tu'u ina mai lenei

poloaiga. "O lenei foi le poloaiga ua tatou maua mai ia te ia; o le alofa ile Atua, ia alofa fo'i o ia i lona uso." O la lesu lea. Afai tatou te fia latalata i le Atua, ia sili ona latalata i le tagata ua agaleaga mai. Le au pele, ole maualuga lena ole pa ua tu'u e le Atua. Aua ole fe'ese'esea'i e pei o se kanesa, a'o le faamagalo ole vailaau e togafiti ai. O mea tiga ma mea o'ona e pei se loka na te nonoa tatou ma saisaiina i tatou i taimi ua te'a. E fevaevaea'i ai Aiga, mafutaga, e o'o atu lava i faiga Malo ma Aulotu aemaisse le Ekalesia. A'o le loto faamagalo, o le ki lea na te tatalaina noataga o le feitaga'i.

Afai ua mamafa tu lau avega ma matuitui le tiga o mea leaga ua faia ia te oe, tu'u atu ou lagona i le Atua ma fai i ai. "Le Alii e, ia e su'esu'e mai ia te a'u, ma ia e silafia lo'u loto, tofotofo mai ia te a'u, ma ia e silafia o'u manatunatuga, ma ia e silafia po'o ia te a'u se ala e tiga ai, ma ia e ta'ita'ina mai a'u ile ala ole faavavau." (Salamo 139:23-24)

Ou te talitonu e le faigofie ona fai lenei mea, ae a faamasani i ai, ole ituaiga tatalo lea e gaua'i mai ai, ma liuliu alo mai ai Fofoga Paia ole Atua ma tali mai ia tatou tatalo. Afai fo'i ole a faifai so'o, o le a o'o ina faasolo lava ina faigofie, aua o Faailoga ia o le tatalo a le tagata o lo'o ola ia keriso. Mulimuli ane ona e silafia lea ma ou iloa, o lo'o soifua lona Agaga i totonusi o'i tatou taitoatas, ma ua le toe avea ai i tatou o ni pologa i le agasala.

Le tatou Kapelenisia e, o le FA'APALEPALE E TU'U AVANOA. O lona uiga, ia fetuutuuna'i ma fefulisa'i faalaau mamafa ou manatu faasino i isi tagata, ne'i e saga taofiofi i mea ua pala, ae ua leva ona sui ma faafou lena tagata. Ia taumafai e vaai i ai ole tagata Fou ile taimi nei. Taumafai fo'i e tu'u ou vae i ona seevae, e atili faigofie ai ona e faamagalo atu. Ioe le tatou au faitau, e leai lava se isi na ia ulua'i asaina le ala lea, ua na'o lesu lava. A'o lea ua aumai mo oe ma a'u ina ia faatonu folau i le tatou fo'i malaga-sa o fai nei. Faifai malū pea o tatou faiva ma taulai le vaai ia keriso le

AFOGA KATINALE JOHN DEW

Kia tau te rangimārie ki a koutou

I le aso Lua 15 luni sa ou a'afia ai i se talanoaga fa'atafa'ilagi ma ofisa o le Sinoti i Roma. Se tasi o tagata sa saufa'i i autafa o Katinale Mario Greekch, o le Failautusi Laua'itele a le Sinoti a Epikopo, o le Tama'ita'isā o Nathalie Becquart. O lenei Tama'ita'isā o se suli o le ituaiga fa'ale-lotu Katoliko mai Farani, o se suli o le Fa'apotopotoga a Xavières, ma na tofaina o se faufautua i le Sinoti a Epikopo i le 2019 ma na tofaina o se tasi o failautusi i le 2021.

Aiseā ua ou avatua ai nei fa'amatalaga e uiga i le Tama'ita'isā o Nathalie? Ua ou tasi e uiga iā te ia ona o suiga ua faia e Pope Faranisisi i le fa'agaioiga o le Sinoti, ma o ia o se tasi o lo'o una'ia ma galue malosi ai. Na fa'ailoa mai e Pope Faranisisi o le a faia se Fa'apotopotoga Fa'asinoti i Roma i le tausaga a sau, ia Oketopa 2022, o lea ua toe tu'u atu i tua ia Oketopa 2023. Ua toe tolo atu i tua i le isi tausaga ona ua mana'o Pope Faranisisi i se FA'AGASOLOGA e maua ai e tagata uma le avanoa e faia ai so latou sao. Ua ia fa'alauiloaina se faiga fa'asinoti o le a'afia uma ai le Ekalesia. O le 'autū ia fa'alogeo le tasi i le isi ma le fa'aosofiaga a le Agaga Paia.

Ua fa'ailoa mai e le Pope e ao ona amatalia lenei mai le pito i lalo aga'i i luga o pule'aga le fa'atinoga o fa'atalanoaga e "mana'omia ai le onosa'i, galulue, tu'u avanoa i tagata e talanoa ai ina ia aumai ai le atamai o tagata a le Atua..." Sa ia manino lelei fo'i o lenei FA'AGASOLOGA o le iloatino. Sa ia fa'apea mai "o se sinoti ua na o se fa'amanino lelei po'o le a le mea o lo'o fai mai

O se sinoti o se fa'apotopotoga a le Ekalesia – o tagata a le Atua. Ua fa'amaopo maia tagata ua vala'auina i tofiga 'ese'ese i le fa'apotopotoga – le au fa'au'u, tagatā lotu po'o le au nofo voto. Ae ua latou au uma ai ona ole vituti ma le tutū fa'atasi i le papatisoga. O le Papatisoga ua na le pau lea o le auala e ulufale atu ai. Ua sasa'a atu le Agaga i luga o le fa'apotopotoga atoa na papatisoina. O autū o se sinoti o le atamai. O se auala e iloa ai le auala o lo'o vala'au mai ai Ekalesia e le Ali'i, ua le na o le mafaufau pe talanoa, ae filifili ia fa'atino.



ai 'LUMEN GENTIUM..."(Lumen Gentium Fa'avae Fa'afitia a le Ekalesia, se tasi o tusi autu a le Fonotaga Vatikano Lona Lua).

O le a faia ni feso'ota'iga ma le Pule'aga Fa'aakiepikopo ma avatu ai fa'amatalaga e uiga i lenei Sinoti i valaso ma masina o i luma. O le a tatalaina e Pope Faranisisi lenei Sinoti i le fa'ai'uga o le valaso 9 – 10 Oketopa i Roma, ona maua ai lea o le avanoa mo Pule'aga uma i le lalolagi e faia ai ni a latou Misasa e amata ai i le aso Sa 17 Oketopa. Ona soso'o ai lea ma le sinoti e fa'atalanoa ai nei mataupu i Ueligitone nei. Ua faia so'o lenei tala e fa'apea ua aumai e le tala fa'asolopito ia i tatou e masani ona pe 50 – 60 tausaga fa'atoā lagona ni a'afiaga o ni Fonotaga Tetele a le Ekalesia. Ou te talitonu ua faia e Faranisisi ina ia tupu lenā. O se mea matagofie ona ua tatou 'au fa'atasi ai.

O le sini o lenei Sinoti o le a tatou tapena atu i ai "Mo se Ekalesia Fa'asinoti: fetufaa'iga, au ai fa'atasi, misiona." O le tatou avanoa lenei e 'au ai, savali fa'atasi, fa'alogeo i le Agaga Pa'ia ma le tasi i le isi, fetufaa'i, 'au ai fa'atasi ma tali atu i le tatou vala'uina e fa'amisiona.

O le a maua mai nisi o fa'amatalaga i le lumana'i, ae o le taimi nei fa'amolemole tatalo ina ia tatou ta'ito'atasi ona fa'aogaina lenei avanoa ua tu'uina mai.

Nāku noa. Nā
+ Ioane

MAFAUFAUGA: OLE FAAPALEPALE E TU'U AVANOA

Perofeta Sili. O lea fo'i ua fetalai faamalosi mai i lenei Aso Sa 14 ole Tausaga masani. "E leai se Perofeta e le mamalu, ua na o lona Aiga ma lona Nu'u, e le mamalu ai o ia." O le olaga faaperofeta, ole ola mo keriso, ia molimau mo keriso ma lona Malo e faavavau, tusa lava pe itagia ma inosia ai.

Tau ia ina ia manua lo outou alofaiva i tiute ma valaauina 'ese'ese, ma ia manatua, o lo'o TU pea lesu i le foe.

Manua tele ona o Keriso

Vaelui Tuitolova'a (FK)
Aulotu Katoliko Samoa Naenae

O LE KOVITI MA LE ESOTO – O SE FAIGAMALAGA AGA’I ATU I LE AIGA

O le fa’aoagaina o le Esoto fa’atusi pa’ia o se auala e tatala ai le gafatia mo tomanatunatuga e uiga i le a’afiaga o le Koviti – 19.

O LE FA’AGASOLOGA O LE FAIGAMALAGA Mo tagata Israelu o la latou Esoto umi o se auala aga’i atu i le aiga po’o le nu’u moni. O le feofeo’i i le toafa, ae le’i taunu’u i se ‘faiga masani fou’ i le Nu’u Folafolaina sa faigatā ae tāua. E tele mea na latou a’oa’oina e uiga iā i latou lava i taimi o faigatā ma le lē mautonu, ma na avea i latou ma tagata o le Atua a o faimalaga. Atonu o lenei fa’atusa o se faigamalaga i le vao ma le toafa e maua mai ai ni vaega tau tusitusiga pa’ia mo tomanatuga, o le a fesoasoani iā i tatou ma o tatou si’osi’omaga fa’atelosia i taimi nei o le fenumia’i ma le taufa’aleleia e tusa ai ma le koviti ma mea o lo’o tutupu ai.

O LE MEA’AI FA’APASEKA MA FA’AILOGA PA’IA I se isi tulaga, o se mea’ai na amataina le fa’asa’olotoina o le tagata Eperu na fa’asauaina mai le fa’apologaina i Aikupito. Atonu i le amataga o se vaega o le fiafia fa’alafulemū, le mea’ai o le Paseka na fa’afuase’ia ona fafagaina o tagata fou ma le fa’anatinati e le’i taupulea.

la fa’apea fo’i ona outou ‘a’ai ai, o outou sulugatiti ia fusia,
ma o outou se’e i o outou vae,
ma o outou to’oto’o i o outou lima,
tou te ‘a’ai ai fa’ata’alise; o le paseka lava lea i
le ALI’I (Esoto 12: 11)

O le meaa’i lenei na fa’ailoga ai le fa’ai’uga o le olaga sologa lelei a Israuelu. O le suiga i le uiga o le patipatia e mana’omia ni fa’atonuga fou ina ia mautinoa ai o tagata uma o lo’o iloaina le mea e tatau ona fai. Ma o tagata uma lava e tatau ona i ai i totonu o fale i le po umi e tasi pe a pasi a’e le agelu.

E fai fo’i le toto ma fa’ailoga iā te outou i fale tou te i ai, ou te va’ai atu fo’i i le toto,
ona ou sosopo ai lea iā te outou e lē o’o fo’i iā te outou le mala e fano ai,
pe a ou taia le nu’u o Aikupito (Esoto 12: 13).

O le fa’ailoga na faia i faitoto’a o fale a tagata Eperu o se fa’ailoga pa’ia mo tagata. O lo’o fa’ailoa mai ai aiga o lo’o iloaina o mea mata’utia o le a tupu. O lo’o fa’ailoa mai ai aiga o lo’o fa’asoai aiga e ala i lo latou fa’asoai i fa’ailoga, sauniga ma le fa’atinoina o le fa’atuatua. O le fa’ailoga i fafo atu ua vali ai faitoto’a o se fa’aaliga fo’i

lea o uiga mai totonu o le loto matale ma le naunauta’i e alu atu i tua atu o mea ‘masani.’ Ua fa’ailoa mai ai fo’i lo latou tūtū fa’atasi o ni tagatā nu’u.

E malie lava, o tatou Esoto Kerisiano mai le olaga sa masani ai i luma atu o le Koviti na valiina e le Fagafulu, i le sauniuni atu mo mea na tutupu i luma atu o le ulua’i Paseka.Na malamlamaina mulimuli ane i se Eseta uiga’ese i le lua vaiaso na mulimuli mai ai i le lokaina o le atunu’u atoa – na fausia ai se manatu o se pogisā fenumia’i ua sau fa’atasi ma le pō. I se isi lagona, o le Paseka o lenei tausaga na pasia i tatou – aemaise i latou sa naunau mo se taumafataga vāvālalata ma le Atua ma isi Kerisiano. I se isi manatu, ole agelu o le Paseka na mauaina tatou faitoto’ua uma ona fa’ailogaina i vaila’au e fa’amamā, o fa’ailoga o le vaiaso pa’ia ua tatau, ma le tele o nuanua. Mo tatou, o le ala mo le ola ua le na o le nofo ai i totonu o le fale ae o le va’alia ma le pa’i atu, mo latou ua ‘a’afia po’o ua maliliu fo’i.

O LE FALAOA E LĒ FA’AFEFETEINA Ina ua uma le mala na fa’ananati ona tuli ‘esea ai tagata Israuelu mai Aikupito (Esoto 12: 33), le nu’u sa latou aumau ai ua latalata i le lima selau tausaga (Esoto 12: 40). E aunoa ma ni mea lelei sa maua sa latou fa’avavevave ona faia ni falaoa e lē fa’afefeteina. O se faiga tāua tele lenei na i’u ona avea ma fa’amanatuga o le Paseka a le malō fou ua fa’avaeina o le Tausamiga o le Falaoa e lē fa’afefeteina (Esoto 12: 15 – 20; 13: - 10).Atonu o lo’o maua’i le fa’amanatuga o tausamiga fa’afa’atoaga, o le Tausamiga o le Falaoa Lēfa’afefeteina ua avea ma aso e patipatia ai le Paseka. Ua mafua ai i tagata Israuelu ona ave’ese ai ni fa’afefete mai o latou fale mo aso e fitu i tausaga ta’itasi. E lē masalomia, o le numera fitu ua fa’ailoga ai le atoaga i lenei masani o le fa’afefete sa masani ona fa’aogā ua leai. E tāua tele, le pa’ia tele o lenei manatuaina o le faigatā o lenei mativa na mafua ai o le fa’amanatua o lenei tausamiga na mulimuli ane e ta’i atu tolu i le tausaga e mana’omia le i ai le aofa’i atoa o tama tane i le Malumalu (Esoto 23: 14 – 15).

O tatou fo’i sa onosa’ia le suiga o le tausamiga fa’aleagaga mai le selau o tausaga mulimuli mai ai. O le

O LE KOVITI MA LE ESOTO – O SE FAIGAMALAGA AGA’I

ATU I LE AIGA

Eukalisitia ua fa’amafolia i luga o tv ma la’au fa’atafa’ilagi, ma o le lē fa’afefeteina ua leai lea, ua mafua ai ona faia ni fesili. Po o luma i tv na o ni fa’ata ua atagia ma ai ni faiga sa fa’ataunu’uina i se isi nofoaga i le ogatotonu o la tatou sosaiete, ua fa’amafolia ai le misitelio o le faiga’ai misitelio i se mea ua na o se faiga’ai? Ua le gatai i lea, ae o le va’aria o le Pope o patipatia le Eukalisitia i le malae i Roma e leai ni tagata, e pei o tulaga o le tele o ositaulaga na fa’aula latou Misasa e leai ni tagata i luga o tv. E ui i le matagofie o mea tau tenakolosi i aso nei, o le ‘au ai fa’aleitino ua ave’eseina ai mai le Tino o Keriso se mea na liutino, ma o lona uiga liu tagata atoa. Ae ui i lea, o le leai o ni tagata ua ave’eseina ai le fa’afefete mai le paluga.

E le gata i lea, o nisi o tatou na filifili e au ai i Misasa mai luga o tv na lagonaina o lo’o talotalo mai iā i tatou le Atua mai le i si itū o le TV. Ae le gata i lea e pei lava o lo’o i ai se mea manino e uiga i le aumaia fa’atopetope o le falaoa e lē fa’afefeteina, o lo’o i ai se mea ua manino lelei ua tatou masani ai fa’aso’otaga - Koviti o le mativa pe afai tatou te manana’o e asia. O le fa’amalosia o le lokaina o le atunu’u o se gafatia po’o se taleni e pei se vaega pa’ia e mafai ona vala’auina mo le ‘au ai o tagata uma lava i o latou nofoaga pa’ia, i le nofoaga tonu o lo’o fa’atalitali mai ai le Atua, ua toe fa’auigaina a latou tulaga fa’atauina, faiga masani ma le lotonu’u. A tatou fa’agalo vave le faigatā o le Koviti i tausaga a sau, o se manatuaina maumaututū o lenei mea na tupu e mafai ona ta’ita’iina i se olaga taumauga. Ona tatou fa’ailoa lea ole Atua, o lo’o faimagalaga fa’atasi ma i tatou, e lē taofiofi lana fesoasaoni iā i tatou i le seleseleina o le olaga e o’o lava mai malae o le tigā, puapuagatia ma le oti.

O LE MANA I le fa’aoopologa i lenei vairusi mata’utia, sa i ai se isi fa’ama’i na pipisi: o ni mea’ai ‘ese’ese na fafagaina ai mai luga o laina tafa’ilagi o talanoaga i luga o le ‘ea, tatalo, pesepesega, fa’atalanoaga ma faiga fa’anoanoa na lolotia ai le vaega ia o le tafa’ilagi. Mo nisi, masalo na lagonaina o se manai mai le lagi, tu’uina mai se isi tofotofoga uma fa’aleagaga. A o isi, ma aemaise i latou e leai pe muta fo’i le mauaina o le tafa’ilagi, ua va’aria o se nu’u mamao lava e maua ai le susu ma le meli.

Manatua fo’i latou ua le a’afia, e ao fo’i iā i tatou ona manatuaina o le manai ua na o se fa’ata’ita’iga o le falaoa mai le lagi. Na aogā e pei ona fa’amatelieina ai le ‘au Israelu fia ‘a’ai, ua na o se foliga o se paolo ia Keriso le mea o le a sau. E fa’apea fo’i, le ‘oa i luga o laina – e ui o le fafagaina ma le lagolagoina i lona lava aiā tatau – ua fa’asino lea i le anoanoa’i ua sau mai le fa’atinoga o le tu’ufa’atasia. Ona o le Eklesia o le Tino o Keriso o lo’o ola, manava ma tafetotoia e pei o le moni o lona mamalu ua fa’apaologia e le misitelio. Atonu o le fa’alogo i fa’atonuga a le Atua e uiga i le aoina o le ulua’i falaoa mai le lagi o se gaioga lelei pe a sau i le anoanoa’i o vaega fa’aleagaga i luga o laina. O le poloa’iga ia fa’aputu i ai e ta’itasi le tagata e tusa ma lana e ‘ai ai – ia outou ta’itasi ma ave fa’atatau i ē o i lona fale ie (Eseto 16: 16 – 19). Ma o lona a’afiaga ia va’ai atu le tasi i le fale o le isi ma mautinoa o tagata uma lava e lava le manai e fafagaina ai i latou. I le liliuina o le lalolagi o se nu’u fa’alalolagi, ma le Tamā e tasi i le lagi ua avea i tatou ma fanau e tasi, e masalomia e tatau ona fa’aaaua pea ona tatou va’ava’ai ma tausi le tasi i le isi i tua atu o a tatou fa’apotopotoga ua fausia nei.

O ARONA PO’O MOSE? E lelei fo’i ona manatuaina e ao i le ulua’i fa’amagaloina ole sala, sa fefefe pea le au Israelu i le au Aikupito i le uma o le latou sosolaga fa’atopetope. O le va’aga muamua e mata’utia, ae i le fa’ai’uga, na vā le vai, ma le fa’amata’u na fa’amalemoina i le Sami Uula. O le manatu lava e mafai ona tatou faia e pei o Mose e ave’ese le mata’utia o le Koviti 19. Atonu o le fa’aloaloa atu o se lima ma se tui ua maua ma tatala atu le ala i se lumana’i mautū. O i’ina tonu e amata ai se faigamalaga umi. O se malaga e fa’aaaua ai pea le tomumu ma le tete’e o tagata. Aua ne’i fa’ate’iai tatou lava: tatou te tomumumu lava, ma tete’e ma fatio. O le a tu’inaunau mo le fasi povi ma le aniani (Numera 11: 4 – 6) i taimi o le olaga i luma atu o le Koviti. O le a tatou vave ona lē amana’iina Tulafono mo lenei faigamalaga faigatā, aemaise pe afai ua fai sina lavelave ma le lētalafeagai. Ma ina ua amata ona fa’asolo mai ni tali ma le manino i le leai o se ta’ita’iga mautinoa, o le a tatou pipi’i i se ituaiga o Arona. Ma e lē fa’ate’ia, o ia o le a susunuina mea ua tatou fa’apelepele i ai o ni fa’atusa (Esoto 32). Ae ui i lea e le taofia ai i tatou mai le tete’e atu i le

O LE KOVITI MA LE ESOTO – O SE FAIGAMALAGA AGA’I

ATU I LE AIGA

tagata o Arona ua tatou patipatia i taimi uma tatou te manatu ifo ai ua mao i luma a tatou faiga (Numera 16). Po’o ua tatou le mauaina le mea ua tatau ai e pei o le vai (Numera 20).

O LE NOFOAGA I TOTONU E TAPU Ae ui i lea, o le feoa’i lē tapasaina i le vao o se taimi fo’i na fausia ai le Tapenakulo, fa’atasi ai ma le Atola’au o le Feagaiga na faia ma le matagofie mai le la’au o le setima (esoto 25: 10 – 11).

O le fete’ena’iga ma mea masani o le ulua’i Fale ’ie mo Fonotaga na faia mai lea ni ogala’au tetele, e ui i le mana’omia ona fa’aaaua pea i luma. E lua ni vaega e mata’utiai. Muamua, le lālelei ma le atamai e fausia na alagatatau i lenei faiga, ma o le teuteuina i lo se va’aga e pei e tele ni ‘oa, pe a manatu atu o tagata Israuelu ua na o ni tagata faiimalaga i lenā taimi. Ae molimauina lava, o le agalelei talafeagai ua alagatatau e o’o lava i taimi o le lē maua. Ae ui i lea, o le maoa’e o le ua’i i vaega ititi ma le lelei atoatoa ua aumaia i se isi manatu i le atamai i le fausia ma le matagofie o le tāua o lo’o mau a’ā iā i tatou, e ui o le fa’aletonu o le tamā o aiga. Fai mai se tasi o tusi tala – o le lālelei ma le matagofie o le a lavea’ia ai le lalolagi i le mae’ā o le Koviti.

Lona lua, o le Atua – ua fa’alia o se āo i le ao ma le afi i le pō – ua fa’atumulia ai le Fale ’ie o Fonotaga ina ua mae’ā ona va’ai fa’aleleia lona teuteuina o totonu. Na amata mai e talanoa Mose ma le Atua i le faitoto’ā o le Fale ’ie (Esoto 33: 7 – 10). E ui e va’āia laua’itele, sa i ai pea le fetaia’iga tāua ma le fa’amaoni. Ae ui i lea, ina ua fa’oopo i ai ma meafale matagofie ma le fa’apa’iaina, na fa’amautū tumau ai loa le Atua i le nofoaga i totonu e tapu, ua alu ‘ese atu ina ia toe fa’amautu ai le isi gaioiga (Esoto 40: 34 – 38; Numera 19: 15 – 23). O se mea tāua lenei na tupu, ma o le mamalu o le Atua ua mailoa lelei e le to’atele na o’o lava iā Mose sa le mana’omai i lenā taimi pu’upu’u e fai ma feso’ota’iga ile va o le Atua ma tagata. Ua na o sina fa’ataunu’uina o folafolaga a le Atua e uiga i le afio ai mamana o le ta’ita’iina ma le fafagaina o tagata o le Atua (Esoto 3: 12). Atonu o le taimi fo’i lenei mo tatou e tu’u ai i le fa’atausi’usiu o o tatou manatu fa’alelotu ae aga’i atu i se loloto o mea e tāua. E pei ona tāua nofoaga e potopoto ai, atonu e lē o ni fale e avea ma ni fu’ā o la tatou fa’atuatuaga. Atonu a tatou ave le fa’amuamua i

tagata ua potopoto i totonu, le mamalu o le Ali’i o le va’āia a le to’atele.

E le gata i lea, o le Tapenakulo ua na o se tama’i vātatea o le foafoaga atoa. O le a la, le mea tatou te fa’oopo e lē i o tatou faigatalosaga, ae i vaega laiti o tatou olaga ina ia fa’aofti mai ai le Atua e sau i totonu i o tatou aiga? Atonu o le taimi lenei e avea ai lenei malaga salukuluku e toe fuata’i ai mea lelei ua tatou ta’uta’ua. Ma ia toe fetu’una’i mea i totonu o le fale i se va’āiga ua sili atu lona matagofie o o tatou tamali’iaga o fanau a le Atua.

O LE GATA U’AMEA O le tala i le gata ’apamemea na tu’uina i luga o se pou o se faiga uiga ‘ese, ona o gata ’apamemea o ni fa’ailoga o ni atua i talitonuga mai nu’u ‘ese i le vaitau Anamua i Autafa i Sasa’e. Ae le gata i lea e to’atele Israuelu na maliliu mai gata uogo i le tua’oi ma Etoma. O le mea lea na fa’atonuina ai Mose “ia e faia se gata uogo, ma tu’u i luga o se la’au, ona ta’itasi ai lea ma ola o ē ua utia pe a va’ava’ai i ai”(Numera 21: 4 – 9). E lē gata i le aumaia o se āta lafia o Keriso, o lenei tala ua fa’alia mai ai fo’i le moni lelei i lona ia lava aiā tatau. Afai o i ai se fa’afitauli o lo’o mumū peā, o nisi o taimi ua faigofie ona salu o tatou matata’u i lalo o le fala o le tineia: A tatou le va’ava’ai i ai, e i ai le fa’amoemoe o le a mou malie atu. Ae i le lautele a’ia’i, o le fa’amatologa e sau pe a mafai ona tatou pula to’ā i le vaipuna o a tatou tigā. Na fa’atonuina tagata Israuelu e faia fa’apea ma e mafai fo’i ona tatou a’oa’o e fa’apea ona faia, i se lalolagi ua i ai se isi vairusi mata’utia. O lo’o i ai se mana’oga loloto e va’ai i tua atu o le ūogo’ a le Koviti ma fa’ailoa le tino ua se’e malie ma le fememea’i o fa’afitauli i maliu e lē tatau ona tupu. Ua maua mai lea i faiga o le leai o se faiga tutusa ma le fa’asauā, i se uiga sauā fa’alia fa’asi’osi’omaga ua fa’alia e o tatou sosaiete i amioga pe afai e le o upu. E ao ona fa’alia lenei ma susu’ē i luga le pou o le iloa fa’asosaiete ma le iloa fa’apolokiki mo tagata uma e va’ai i ai.

I le faia o lea, e ui i lea, e ao ona tatou fa’aeeteet ina ‘ua ne’i o tatou faia ni atua pepelo mai ni fa’alapotopotoga na fausia. E le gata i lea o le ausia fa’apitoa a le fa’oopopoina lea o se isi fa’ aupuga o se au’upega ua fa’amatala ai le maliu o Keriso i luga o le koluse. Atonu ua tatou va’āia le gata ua teuteu maia le

O LE KOVITI MA LE ESOTO – O SE FAIGAMALAGA AGA'I ATU I LE AIGA

to'oto'o a Asclepius o se fa'ailogga fa'aulufale fa'afoma'i, aemaise pe afai tatou te mana'omiaina se fa'amalologa, e mana'omia ona tatou manatuaina ua na o lenā. O se fa'ailogga ua fa'asino i se i si mea. Ua na o se fa'ata'ita'iga o Keriso o lē, sa i luga o le koluse, na fa'amaloloina i tatou mai le oti – e ui o tatou olaga faitino lē ma'alofia. O lo tatou tomanatu i le maliu e tasi i luga o le koluse ua i ai le malosi'aga e fa'asa'oloto ai a tatou koluse, a'afia ai le puapuagatia na o'o mai iā i tatou mai le Koviti – 19, ma tu'uina atu le avanoa mo galuega fa'amisitelio a le Atua.

O LE MALAGA I LE NU'U MA LE AIGA O lona i'uga o se augā tupulaga fou a Isaraelu na taunu'u i le Nu'u na Folafolaina. O le mea lea, e ui tatou te savavali pea e amatalia e le Atua la tatou malaga tu'ua, e masalomia tatou te lē taunu'u na o tatou. Ae tatou te āsā le ala mo a tatou fanau ma fanau a fanau. Ma i le savalia, o le a tatou maitauina le toafa ma ona oneone ua fesua'i

lemū ona tulaga i se nofoaga ua maua'a ai le anoanoa'i. E mautinoa o le a i ai pea le fa'anoanoa ma le loto tigā, o taua ma pulega fa'amalosia, o fa'aosoosoga ma to'ilalo, ae o le i ai pea ma le Atua – o lenā Atua e fa'apitoa i le fa'ate'ia o le tagata mai le fa'amalieina i se faiga o le ola ia i le anoanoa'i. Ma e i ai le isi mea mautinoa lava: e leai ma se isi i se faigamalaga e tumau ai lava. O le mea lea, atonu i taimi i luma e le fa'apea o le toe fo'i i taimi i luma atu o le Koviti 'masani' ai, pe fa'apea ona toe fausia ni o tatou tagata fou o ni Kerisiano i luga o laina, pe fausiaina fo'i ni fa'atusa e faigofie ona ausia. Atonu o lona uiga o le tu'u atu i le Atua e aveina i tatou uma i se faigamalaga i le aiga po'o le nu'u e ala i lenā nofoaga tutotonu e tapu i o tatou loto ma fa'apotopotoga. O i'inā o le a tatou mafaia ona talia le manai – le "o le a lenā mea?" o tatou mana'oga mai se nofoaga sa lē manatu tele i ai.

SAGATO IOSEFO – O LE SAGATO SULUFA'I TATOU TE MANA'OMIAINA I LENEI VAITAU O LE FA'AMA'I

Talu ai nei na fa'ailoa mai ai e Pope Faranisisi le Tausaga a Sagato Iosefo e fa'amamalu ai le tasi o sagato. I lana tusi Fa'aaposetolo o le Patris corde (Fa'atasi ai ma le loto a se tamā), na vala'auina ai e le Tamā Pa'ia, Pope Faranisisi le Ekalesia Aoao e metitasio ma tatalo mo le sulufaga a le tamā fai a lesu.

O fa'ata'ita'iga ma sulufaga ua sau i se taimi talafeagai. I le taimi o feagai le lalolagi ma le fa'ama'i ua fa'amalosia ai le miliona o tagata e ola i ni olaga ta'ito'atasi ma le natia, ua tatou va'aia ai Iosefo o se fa'ata'ita'iga o le olaga e natia. Ua tatou iloaina fo'i na maliu Iosefo ae le'i amataina le galuega tala'i a lesu. O le tane a Maria sa le masalomia na masani ma puapuagatia. O lea ua mafai ona tatou va'aia o ia o la tatou sulufaga fo'i, tatalo mo tatou

e pei ona ia malamalama i o tatou tauiviga ma le fa'ama'i.

Ae o a mea ua tatou iloaina e uiga i la tatou sagato sulufa'i ma le fa'auō?

E pei o le tele o tagata pa'ia o latou tua'ā ua mafai ona sa'ilia i tua atu i ulua'i aso o le Ekalesia, ae la'itiiti lava ni fa'amatalaga e uiga ia Sagato Iosefo, vaganā mea ua tatou a'oa'oina mai ni nai laina na tusitusia e uiga iā te ia mai Evagelia. O ia mai le laina o le aigā Tupu o Tavita ma na fa'amau atu i se tama'ita'i mai Nasareta. Na mauaina Maria, e le'i fuafuaina, ua tō o ia. Ae o Iosefo, 'o se tagata e mamalu ma e le'i mana'o e fa'amāasiasi o ia i luma otogata,' e pei ona fai mai ai le Evagelia a Mataio, ua ia manatu e fa'ate'a lemū iā te ia (1: 19). E o'o lava e le'i

fanau mai lesu ae na va'aia lava le agalelei ma le loto fa'amagalo a Iosefo.

Ae sa i ai fo'i isi fuafuaga a le Atua. E pei o le isi Iosefo fa'afitauli – o se pateriaka i le tusi a Kenese – na fa'aoga e le Atua se miti e fa'aali atu ai ana fuafuaga fa'aola mo le kamuta mai Nasareta. I le miti, o se agelu na fa'ailoa atu ai ia Iosefo le mea lilo a Maria: Iosefo e, le atali'i o Tavita, 'aua e te fefe inā aumai iā te oe o Maria iau avā; auā o lana tō mai le Agaga Pa'ia lea' (Mataio 1: 20). O le agelu lava lenā, i le mae'a o le fanau mai o le tama a Maria, na fautuaina Iosefo e ave le tamaititi ma lona tinā i Aikupito e sosola'ese mai ai le Tupu sauā o Herota. Ma na fa'alogi Iosefa.

O lo'o i ai isi tala e uiga i le tamaititi o lesu – sa leiloa o ia i se

SAGATO IOSEFO

faigamalaga ma na mauaina o a'oa'o atu i le malumalu – ona tatou taunu'u mai ai lea i le vaega natia o le olaga o le Fa'aola. O mea uma o lo'o fai mai ai le Evagelia a Luka e uiga i na tausaga e 18 e fa'apea: Ua tupu le poto ma le tino o lesu, ua alofagia o ia e le Atua atoa ma tagata (Luka 2: 52). O na tausaga o taimi ia a Iosefo. O se taimi ua fa'aalu i le tausiga o lona atali'i fai ma a'oa'o iā te ia i le fa'akamuta. I le fale kamuta a Iosefo i Nasareta, sa a'oa'oina ai e lesu vaega o le galuega: o fea le laupapa e lelei mo nofoa ma laulau, po'o le fea e lelei mo palau ma uili o ta'avale solofanua. O se ali'i ua lelei le tomai, o Iosefo ua a'oa'oina atu le fa'aogaina o samala, fao o isi mea faigaluega mo lea matafaioi.

Masalo na fa'aiola atu fo'i e Iosefo ia lesu mea lelei e mana'omia ina ia avea ma kamuta lelei. E mana'omia le onosa'i (fa'atalitali se'ia mago lelei laupapa), lelei le fetu'uga'iga (mautinoa o lo'o sa'o lelei sua), onosa'i ma le fa'amaoni (mo tau e ave i tagata). Fa'atasi ai ma lana faia'oga, o lesu talavou sa galue ma fesoasoani, fai lana sao mo le lelei o Nasareta ma 'aai i autafa. E le faigatā ona mafaufauina o vituti na a'oa'oina e lesu mai lana faia'oga – onosa'i, fuafua lelei, fa'amaoni ma le galue malosi – na i'u lelei ai lana 'au'aunaga na mulimuli mai. Na fesoasoani Iosefo e fa'atonutonu lesu i se va'aiga e pei ona fai mai se fai telosia 'o se mea faigaluega na mana'omia tele mo le fa'aolataga ole lalolagi'.

Ae o le taimi lava na amata ai le galuega tala'i a lesu sa le toe va'aia Iosefo – i fa'amatalaga a le Evagelia. E tāua, e lē o i ai Iosefo i le lisi o le au vala'aulia i le

fa'aipoipoiga i Kana, na amata ai le galuega a lesu. Pe na maliu o ia ae le'i matua lona atali'i?

I se faaaliga i se fale mata'aga o ni āta i le Falesā tele o St. Ioane i Niu Oka sa va'aia ai se āta na fa'aigoaina 'O le Maliu o Sagato Iosefo'. I lenā āta tele o lo'o ta'oto ai Iosefo ua toea'ina lava ma vaivai ae o lo'o i autafa o le moega lesu talavou pe 16 po'o le 17 tausaga le matua, leai se 'ava, ofuina se ofu talaloa , ma o lo'o tuli mata'i Iosefa. Nofo ai i autafa o le moega ia Maria.

Ua pu'eina e lenei āta le fa'anoanoaga pe sa si'osi'omia ai le maliu fa'avavevave a Iosefo. O se fa'anoanoaga fa'apea fo'i na fa'atasi ma i tatou mo le tele o masina, le fa'anoanoaga na si'osi'omia ai le maliu o le to'atele mai le Koviti – 19.

O Iosefo e masani ona vala'auina ona o le sulufaga o le 'maliu fiafia'. Ae masalo e le o se maliu fiafia lenei mo lesu ma Maria. Ua le o fa'amatalaina mai e Evagelia se mea e uiga i le la fa'anoanoaga. E leai fo'i ni fa'amatalaga e uiga i le fa'anoanoaga a Maria, leai se fuaiupu i le fa'anoanoa a lesu. O le Aiga Pa'ia la, e pei o le tele o aiga i aso nei e fa'anoanoa i le toe'esea o matua ma aiga, uso ma tuafafine, ma fanau i le vaitau o le fa'ama'i. Atonu o latou fa'anoanoaga sa faia fo'i i le leai o ni tagata na au ai, ma e le'i va'aia fo'i i ni fa'atomuaga i ni pepa.

O le natia o le olaga a Iosefo e mafai fo'i ona tautala iā i latou na lofituina e le fa'ama'i, ma na masalosalo pe na fa'atasi mai le Atua ma i latou, pe afai na iloa mai e le Atua. Na o sina taimi na iloa ai i

Evagelia, sa leai se tala na faia, na ta'ita'iina e Iosefo se olaga 'au'auna lē leoa i le Atua, se olaga ua tumau pea le leai o so tatou malamalama'aga i ai. Ae o lona olaga – fa'atumulua e le anoanoa'i o gaioiga o le alofa o lo'o natia, lē va'aia, e lē o fa'amaumauina – e le uma lona tau. O le olaga a Iosefo o lo'o fai mai iā i tatou uma, 'O le Atua e silafainaina.'

O lona olaga natia ua fa'asoaina e le miliona o tagata o lo'o malaga atu i leni taimi o le fa'ama'i: latou le au faigaluega mo le soifua maloloina o a latou faigataulaga o lo'o natia mai o latou aiga. O le matua e to'atasi e le mafai ona fa'asoa atu ona popolega e uiga i lana fanau. O se alo ua matua a se matua ua i fale o tagata matutua, popole e uiga i le pipisi o le fa'ama'i i tagata matutua o lena nofoaga. O le feiloa'i atu i tagata i fale faigaluega, o tagata faigaluega i auala o femalaga'ina, o lo'o taumafai ina ia maua se olaga lelei mo le aiga. O se ositaulaga sa patipatia le tele o maliu mo tagata maliliu mai le Koviti ma o latou aiga, popole ina ne'i le mafai ona fa'amafanafana ia i latou e pei ona fa'amoemoe i ai. O ma'i ua oti ae na o latou, tagi i le mafatia ma le tīgā, ua tu'u fesili po'o le a le mea ua tupu.

Le tele o olaga natia. Le tele o gaioiga o le alofa e le o va'aia i lenei vaitau o le fa'ama'i. Le tele o tatalo fa'alilolilo ua tu'uina atu i le lagi. Le tane a Maria ma le tamā fai a lesu ua malamalama lelei lava i nei mea uma.

O LE MATAGALUEGA A ē FA'AIPOIPO

Poloa'iga a le Atua: 'Aua e te mana'o i le avā a se tasi Tagata

Poloa'iga a le Eklesia: Ia ē tausi i Tulafono uma a le Eklesia e uiga i le fa'aipoipoigaā

O le nofo fa'aipoipo, o se tasi nei o tofiga mamalu tele ma le pa'ia. A e tasi o le mea, o lenā tofiga e fa'ae'etia i le tagata ni matāgaluega mamafa ma le faigatā. Ae ui ina o lea, ua mafai ona tausi na Matagaluega ona o le kalasia e ala mai ai lenei sakalame-ta.

O a matāgaluega o le fa'aipoipoiga? Ua aofia ai mataupu nei e fa.

1. O le fealofani.
2. 2. O le loto onosa'i.
3. 3 O le loto fa'amaoni. 4. O le a'oa'oina ole fanau.

1. O le fealofani:

Ua tusia i tusi iā Eperu, Kalatia ma i lona lua o tusi iā Timoteo apoapoa'iga lelei a Sagato Paulo e aogā i ē fa'aipoipo. E ao ona tatou mafaufau nei i ai. Efeso 5 22 – 32: O outou fafine, ia outou usiusita'i iā outou tane, e fa'apei ona usiusita'i i le Ali'i. Auā o le tane o le ulu ia o le avā, e pei o Keriso fo'i o le ulu ia o le eklesia, o ia fo'i o le Fa'aola ole tino. O lenei, fa'apei ona usiusita'i o le eklesia ia Keriso, ia fa'apea fo'i fafine iā latou lava tane i mea uma lava. O outou tane, ia outou alolofa atu iā outou avā, fa'apei o Keriso fo'i ona alofa mai i le eklesia, ma foa'iina mai o ia e ia e fai mōna sui.. Ina ia fa'apa'iaina ai, ina ua fa'amamāina i le fa'ata'eleina i le vai atoa ma le upu; ina ia na tu'uina atu o ia, iā te ia, o le eklesia mata-gofie lava, e leai sona ila, po o se ma'anuminumi, po o se tasi mea fa'apenā, a ia pa'ia ma ia lē ponā. O lo'o fa'apea ona tatou ona alolofa o tane iā latou lava avā, fa'apei o latou lava tino; o lē alofa i lana avā, o lo'o alofa o ia iā te ia lava; auā e leai lava se tasi e ita i lona lava tino; ae peita'i na te fafaga ma tausi atu i ai, fa'apea fo'i o le Ali'i fo'i ona tausi i le eklesia, auā o itū lava i tatou o lona tino. O le mea lea e tu'ua ai e le tane o lona tamā ma lona tinā, ae fa'atasi atu ma lana avā, ona avea ai lea o i lā'ua o le tino e tasi. O le mea lilo tāua tele lenei; a ou te ta-

laina atu nei e uiga iā Keriso atoa ma le eklesia. A o outou, ia ta'itasi outou ma alofa i lana avā fa'apei o ia lava iā te ia; o le fafine fo'i ia āva o ia i lana tane (Efeso 5: 22 – 23). "ae fa'aolaina ia i le fānauga o tama, pe āfafai e tumau pea o ia i le fa'atuatua, ma le alofa, ma le amio lelei, atoa ma le fa'amatuāfafine (1 Timoteo 2: 15).' Kalatia v.15: Ae afai tou te feīta'i ma fe'aina'i, ia outou ina ne'i fa'aumatiā outou iā te outou (Kalatia 5: 15).' Ia alofa le tasi i le tasi, a o se alofa moni ma le tumau.

Ole alofa tumau, na fa'apea atu lesu i le au so'o: Ona o mai ai lea iā te ia o Farasaio, ua tofotofo mai iā te ia, ua fa'apea mai iā te ia, 'Pe sa 'ea i se tasi fa'ate'a o lana avā ona o mea uma? Ona tali atu ai lea o ia iā te i latou, 'Tou te le'i faitaulia ea. O lē na faia le tagata i le amataga, na ia fai ai i lā'ua o le tane ma le fafine,' na ia fetalai ane fo'i, 'O le mea lea e tu'ua ai e le tane o lona tamā ma lona tinā, ae fa'atasi ma lana avā; ona avea lea o i lā'ua o le tino e tasi. O lea e lē toe to'alua ai, a o le tino e tasi i lā'ua; o lenei o ē ua fa'atasia e le Atua, 'auā ne'i fa'ate'ate'aina e se tasi tagata (Mataio 19:3 – 6).

2. O le loto onosa'i

O le amataga o le fa'aipoipoiga ua mae'u le feālofani o le tane ma le fafine. Ole to'atele e lē tumau lenā lelei. E lē faitio, auā o le galuega a le tiāpolo na te fa'atupu le leaga i lenei lalolagi. O le faitogafiti pepelo ma le tele o ana mailei i le tagata. Ua aliali pona, ua tutupu fa'alavelave ona o oloa, aemaise o le manumanu, ma le fia fai mea. O ā mea e tatau ona fai e le ulugali'i? Ia loto onosa'i, ia lava fa'apalepale e le tasi i le isi, e pei ona poloa'ia e Sagato Paulo iā Kalatia: "**Ia outou fesuia'i a outou avega e ave.**" Afai ua mana'o le ulugali'i i le loto gatasi ma le filemū, ia la tausiniō lava po'o ai e fa'amaulalo i le isi. Peiseaī o le tu a tagata fa'apaupau, e tausiniō po'o ai e malosi

lana pule. O le tū lea a fanau a Satani le tamā o le fiasili. E i ai ona tutusa nisi o ulugali'i pei ni manu fe'ai; a fa'atasi ua na o le femisaa'i ma le feupua'i. Auā e leai so la'ua e fia fa'amaulalo. Ae ui ina o lea, o le tane o le pule lea, ma o le fafine e tatau ona usita'i i lana tane. Ua na o amio fa'aletatau, e lē aogā ai ona usita'i le tasi i le isi. A tatou faitau i le Tusi Pa'ia, tatou te iloa pe fa'apefea ona onosa'i ma le fa'apalepale lopu ma Topita i o la'ua ta'ito'alua. Ua fai mai fo'i le tala iā Monika le tinā o Sagato Aukusitino, na matuā puapuagatia i le amio valea a lona to'alua, le tagata fa'apaupau o Patelesio ae na matuā lava le onosa'i.

3. O le fa'amaoni ma le tausi i le pa'iaga o le fa'aipoipoiga

Ia fa'amaoni, auā ia manatu pea le tagata ua fa'aipoipoi, ua felāfoa'i le loto ma le tino o lē tasi i le isi, sa fai mai ai Sagato Paulo ia Korinito: E lē pule le avā i lona lava tino, na o le tane; e fa'apea fo'i le tane, e lē pule ia i lona lava tino, na o le avā. 'Aua ne'i fa'afiti le tasi i le tasi, se'ia iloga lava lua te loto gatasi ai i nai aso, ina ia oulua fa'asaga i le anapogi ma le tatalo ma ia toe fa'atasi ane i le mea e tasi ina ne'i fa'aosooso mai Satani ia te oulua, ona o lo oulua lē lavā onosa'i." O se agasala mamafa lava, o le lē fa'amaoni le tasi i le isi. O le lē fa'amaoni pe afai o le tane ua foa'i lona loto i se isi fafine, po'o le fafine ia ua fa'aali mai i ona ofu ma ana teūga i le tino ina ia fa'alata ai tane. Ona fa'aaliali ai lea o le mulilua ma le faita'aga. A o ē agasala e lē fai mo latou le malō o le lagi.

Ia pa'ia le fa'aipoipoiga. "Ia fa'amamaluina le fa'aipoipoiga e tagata uma, o le moega fo'i o le ulugali'i ia leai sona leaga, auā e fa'amasinoina e le Atua o ē mulilua" (Eperu 13: 4).

Ia fai avā e pei o Topita: A o lenei, le Ali'i e, ua e silafia ua 'ou talia lo'u nei tuafafine ma a'u avā, e lē ona o le tu'inanau ae o le mana'o tasi o ma'ua ua gafa, ina ia fa'amanūina ai o lou suafa i le fa'avavau fa'avavau lava" (Topita 8: 9). E le fa'atasi ulugali'i mo le agasala ae fa'atasi mo le agatonu.

Ina ia pa'ia le fa'aipoipoiga, ia fa'asaga le tane ma le fafine i la lā Matagaluega. E aogā ona to'aga le fafine i meāfale, e teu fa'alelei pea ma le mamalu ina ia ta'uleleia ai le 'aiga.

Aemaise fo'i, 'aua le muimui le tagata i lona to'alua i luma o nisi. E muimui le fafine i lana tane i luma o isi fafine, ae muimui le tane i lana avā, i luma o isi tagata. Talofa! O le pogai lea ua tele ai ni muimui i lona to'alua. O le isi tu leaga, o ni fafine e talatalanoa umi ma nisi tane, o le amataga lea o mala e tele. O le fafine e loto lelei, e musu ona nofo i se mea e i ai tane, ua na o lana fanau ma lona aiga e tatau.

4. O le a'oa'oina o le fanau

Fai mai Sagato Paulo: Ae afai e le tausi e se tasi i lona aiga, afai fo'i e le sili ona tausi i e mau ma ia, ua fa'afiti o ia i le fa'atuatua, e sili fo'i lona leaga i lē ua lē fa'atuatua (1 Timoteo V: 8). Fa'apea mai fo'i Sagato Kelekolio: O le fanau o le oloa tāua, o mea sina. E tatau ona a'oa'oina le fanau i le poto, aemaise i le poto tau i le Atua. Ia amata ona a'oa'oina le fanau a o laiti i le tatalo ma tausi i poloa'iga a le Atua ma le Ekalesia.

O se tu fa'apaupau le tu'usolo o tamaiti e tafafao e pei ua leai ni matua. E lē iloa i le aso atoa le mea e nonofo ai le fanau ae pei e lē popole tele i ai matua. Talofa! E toatele nauā o matua latou te fa'ata'ape'ape le fanau; o tufatufa solo i lea aiga ma lea aiga, aemaise i aiga e lē o i ni lotu.

Ia su'esu'e lelei ma mafaufau i matāgaluega tāua uma. Auā po'o le malaia po'o le manuia, po'o ifeli po'o le lagi, e fa'atatau ma le tausiga a matua i nei Matagaluega tāua tele.

O outou le fanau ia outou fa'aaloalo, usiusita'i ma tausi i o outou matua i aso uma.

Ua avea tagata fa'aipoipo ma ni tagata pa'ia ina ia fa'atupu mai ai fo'i le pa'iaga o a latou fanau.

Ia manuia lenei masina i la tatou faigamalaga.

Kalolo Perez FKS

Ekalesia Sagato Patelesio

Wainuiomata

GALUEGA A LE AU APOSETOLO

7: 54 – 60 O le Oti Maletile o Setefano

⁵⁴ Ua fa'alogo i latou i ia upu ona matuā lotoa lea o i latou; ua lilivau fo'i o latou nifo iā te ia. ⁵⁵ Ua tumu o ia i le Agaga Pa'ia. Ua pulato'a i le lagi, ua iloa atu le pupula o le Atua, ma lesu o lo'o tu i le itū taumatau o le Atua, ona fai atu lea, ⁵⁶ "Fa'auta, ua ou iloa le lagi ua avanoa, ma le Atali'i o le tagata o lo'o tū i le itū taumatau o le Atua. ⁵⁷ Ona alalaga lea o i latou ma le leo tele, ua pupuni o latou taliga, ma feosofi mai iā te ia ma le loto gatasi, ⁵⁸ ua tulei atu fo'i iā te ia i tua o le 'a'ai, ona latou fetogi lea iā te ia i ma'a, ua tu'u atu fo'i e molimau o latou ofu i le taule'ale'a, o Saulo le igoa, e leoleo ai. ⁵⁹ Ua fetogi fo'i i latou iā Setefano, o vala'au o ia, ua fa'apea atu, "Le Ali'i e lesu, ia e talia mai lo'u nei agaga." ⁶⁰ Ua to'atuli fo'i o ia, ma alaga atu ma le leo tele, "Le Ali'i e, aua e te tu'uina atu lenei agasala iā te i latou." Ua uma atu lea upu, ona moe ai lea o ia.

O le maliu maletile o Setefano

Afai o tu'ua'iga na tu'ua'i ai Setefano ua fa'apea mai ua o fa'atasi ma tu masani a sinopi o le fa'amasonina o lesu, o le maliu a Setefano ua manino lelei ma malosi se āta fa'atusa o le maliu o lesu – ma ua tali atu ai fo'i i le fesili o le tapua'iga moni. Ina ua fa'aali mai e Setefano se va'aiga o le lagi na matale ma iloa ai le Alo o le Tagata na i le itū taumatau o le Atua (v. 56), na avea o ia e ona fili i fafo atu o le 'a'ai ma fasioti iā te ia, e pei ona latou faia i lona Ali'i. Ma e pei ona tu'uina atu e lesu lona agaga i le Tamā, na mafai ona tatalo Setefano, "Le Ali'i e lesu, ia e talia mai lo'u nei agaga (v. 59, va'ai Luka 23: 46). A o tatalo lesu i le Atua e fa'amagalo i latou na fa'akoluseina o ia, na fa'apea ona tatalo Setefano iā lesu, "Le Ali'i e, aua e te tu'uina atu lenei agasala iā te i latou" (v. 60).

E lua sini autū o lo'o susulu mai i nei tala: (1) o latou sa mulimuli iā lesu o lo'o olaina le tala a lesu, o nisi o taimi e moni lava; (2) na tali e Setefano le fesili e uiga i le tapua'iga moni i lana tatalo iā lesu o le Ali'i ma le foa'iina atu o lona ola.

10

8: 1 – 3 O le Sauaina o le Ekalesia e Paulo

¹ Sa loto gatasi fo'i Saulo ma i latou i lona fasiga. O lea lava aso ua tupu ai le sauā tele i le ekalesiai Ierusalem; na fa'asalalauina fo'i i latou uma i nu'u o lutaia ma Samaria, ua toe na o le au apostolo, ² Ua ave fo'i Setefano e tanu e tagata ua mata'u i le Atua, ua matuā taufaitagitu'i i latou iā te ia. ³ A ua so'ona sauā Saulo i le ekalesia, ua ulufale o ia i lea fale ma lea fale, ma fetoso mai o tane ma fafine, ma tu'uina atu i le fale puipui.

Saulo (Paulo) na ta'ita'ia le fa'asauaga i le Ekalesia

O Saulo, na mua'i fa'ailoa mai o lē na leoleo i o latou ofu o latou na fetogi i ma'a Setefano 7: 58, na fa'apea sa ia loto i ai fa'atasi ma latou i le fasiga (8: 1), na tupu ai le sauā tele ile Ekalesia i Ierusalem. Ona amata ai lea ona ta'apeape "tagata lutaia mo lesu" i le atu lutaia ma Samaria. O le mau o le au apostolo sa fa'asaoina mai nei fa'asauaga ua aumai ai se manatu o le au Helenisi na fa'ata'apeapeina.

8: 4 – 25 O le Tala'iina atu o le Tala Lelei i Samaria

⁴ Ua ō solo fo'i ē na fa'asalalauina, ma latou folafola atu le tala lelei o le 'upu'. ⁵ Ua alu ifo fo'i Filipo i le 'a'ai o Samaria, ua tala'i atu Keriso iā te i latou. ⁶ Ua naunau le motu o tagata ma le loto gatasi i upu na fai atu e Filipo, ua fa'alogologo ma va'ava'ai i fa'ailoga ua faia e ia. ⁷ Auā ua ō i fafo agaga leaga i tagata e to'atele sa i ai, ua alalaga ma le leo tele, ua fa'amālōlōina fo'i ē sa mama'i i le supa ma pipili e to'atele. ⁸ Ua tele lava le olioli i lea 'a'ai. ⁹ A o le tasi tagata, o Simona le igoa, sa mua'i fai togafiti fa'ataulāitu i lea 'a'ai ua fa'atupu ai le ofo o le nu'u o Samaria, ua ia fa'apea, o ia lava o le silisili. ¹⁰ Ua naunau atu i latou uma lava iā te ia, o tagatanu'u atoa ma ali'i, ua fa'apea ane, "O le mana tele o le Atua lenei tagata." ¹¹ Ua latou naunau iā te ia, auā ua leva ona fa'atupuina o le ofo iā te i latou i ana togafiti fa'ataulāitu. ¹² Ua talitonu i latou iā Filipo o folafola le tala lelei i mea a le malō o le Atua, ma le suafa o lesu Keriso, ona papatisoina lea o i

latou, o tane atoa ma fafine.¹³ O Simona fo'i, ua talitonu ia; ua papatisoina fo'i o ia, ona fa'atasi atu lea o ia iā Filipo, ua matuā ofo, ina o matamata i fa'ailogia ma vāvega tele ua faia.

¹⁴ Ua fa'alogia fo'i le au aposetolo o Ierusalem, ua talia e Samaria le afioga a le Atua, ona latou 'a'auina atu lea o Peteru ma Ioane iā te i latou.¹⁵ Ua ō mai fo'i i lā'ua, ona tatalo lea mo i latou, ina ia maua e i latou le Agaga Pa'ia;¹⁶ auā o ona pō ia e le'i afio ifo ai o ia i se tasi o i latou; ua nā ona papatisoina o i latou i le suafa o le Ali'i o Iesu.¹⁷ Ona la fa'ae'e atu lea o lā'ua lima iā te i latou, ona maua lea e i latou o le Agaga Pa'ia.

¹⁸ Ua va'aia fo'i e Simona, o le fa'ae'ega o lima o aposetolo ua foa'i atu ai le Agaga Pa'ia, ona aumai ai lea e ia o tupe iā te i lā'ua,¹⁹ ua fa'apea mai, "Aumai iā te a'u fo'i lenā pule, ina ia maua le Agaga Pa'ia e le tagata ou te fa'ae'e i ai o'u lima."

²⁰ A ua fai atu Peteru iā te ia, "la fano lau ario fa'atasi ma 'oe, auā ua e manatu e fa'atauina le mea foa'i fua a le Atua i tupe.²¹ E leai sau mea po o sou tofi i lenei mea; auā e le tonu lou loto i luma o le Atua.²² O lenei, ia e salamō i lou nei leaga, ma e fa'amagaloina le manatu o lou loto.²³ Auā ua ou iloa ua e i ai i le āu 'o'ona, ma le taui e le amioleaga."²⁴ Ona tali atu lea o Simona, ua fa'apea atu, "Fa'atoga ia oulua i le Ali'I mo a'u, ina ia lē o'o mai iā te a'u se mea e tasi o ia mea ua oulua fai mai ai."²⁵ Ua uma fo'i lo lā'ua molitino ma tautala atu i le afioga a le Ali'i, ona la toe fo'i atu lea i Iersalema, ua folafola le tala lelei i 'a'ai e tele o Samaria.

O Filipo le fai evagelia ua fete'ena'i ma Simona le fai maneta

Ua tatou va'aia Setefano ua avea ma tagata e fa'aleoa atua a'oa'oga a Luka e uiga i a'oa'oga ma le tagata o Keriso fa'apea se fa'ata'ita'iga o le fa'atusa o Kersio. O lenei o le isi suli o le to'afitu, Filipo, ua fa'ailoa mai le isi itua'iga o fa'ata'ita'iga. O le vaega muamua o Filipo ua fa'aali maia pe na fa'apefea i le misiona Kerisiano ona fa'aauau atu i lutaia i le nofoaga o le au Samaria "fa'apaupau" (mai le va'aiga a lutaia) ma pe na fa'apefea i le misiona ona manumalō ona o togafiti fa'ataulaitu na faia e Simona.

O le fa'amatalaina o le pa'i atu o le misiona i tua atu o Ierusalem i le fa'ataus'i'us'i u tagata Israelu, e fa'alima ona fa'aoga e Luka upu e fiafia i aimo lenā euangelizomai, ua tatou maua mai le upu "fa'evagelia." Na maua e Luka i lana Tusi Pa'ia Eleni, aemaise i le Isaia (40: 9; 52: 7; 60: 6; 61: 1), o lo'o taulala ai le perofeta i le fa'ailoaina mai le sau o le paoa lavea'i a le Atua. Ua fa'aoga e Luka upu e fa'amatala ai le tala'i atu o agelu (Luka 1: 19; 2: 10), ma Ioane le Papatiso (3: 18), o Iesu (4: 18 {Isaia 61: 1}; 4: 43; 7: 22; 8: 1; 9: 6), o aposetolo (Galuega 5: 42); ma i le vaega lea, o le upu ua fa'amatala ai le misiona a le ekalesia atoa ua salalau (8: 4), o Filipo (vv. 12, 35, 40), ma o Petelo ma Ioane (v. 25). O auga atoa o le fa'amatalaina lea o mea o lo'o faia e le Atua.

I le mae'a ona fa'amatalaina o a'oa'oga ma fa'amalologa o Filipo i upu na toe manatua ai galuega a Iesu ma le au aposetolo (8: 7), na tautala mai Luka i le talanoaga ma Simona. E ui na ausia ni tagata na mulimuli ia te ia ma le fiafia ae le'i taunu'u le faimaneta o Filipo, na o'o lava ia te ia na fa'aliliuina e le fa'evagelia a Filipo (vv. 9 – 13). Sa i ai se upu sa fa'aogaina e fa'amatala ai faiga fa'ataulaitu a Simona ua fa'asino lea i se taumafaiga e fa'atau le malosi'aga fa'apuluvaga a le Agaga Pa'ia (vv. 18 – 19).

I se auala 'ese ua na o aposetolo o Peteru ma Ioane na o mai mai Ierusalem e tatalo ma fa'aloaloa o la lima i tagata Samaria na liliu ma talia le Agaga Pa'ia (vv. 14 – 17). Na fa'amanino lelei e Luka i'nei le 'ese'esega i le va o le papatiso atu "i le suafa o le Ali'i Iesu" ma le fa'aosofiaga a le Agaga. O se vaega tutusa fa'apea o le fa'ailoa mulimuli mai – ae i le toeliliu i tua se fa'asologa (Agaga papatisoga, ona papatiso lea i le suafa o Iesu) – i le fa'aliliuina o Konelio ma Iona au aiga (10: 44 – 49).

E ui o nisi o fa'apotopotoga Kerisiano ua liliua lenei fa'amatalaga manino i se a'oa'oga o paptisoga e lua (papatuisoga i le vai ma le papatisoga i le Agaga), o Luka, ua mulimulita'i i tu masani Katoliko, ua aumaia o se faiga masani le fa'amatalaga a Peteru o le papatisoga ma le talaina o le Agaga Pa'ia o se sauniga lava e tasi (2: 38). O le fa'amatalaga a Luka o lo'o vavae'ese ai le Agaga ma le papatisoga, e foliga mai ua ia faia se manatu fa'apitoa i vaega ia ta'itasi. O le manatu o le so'o i lalo o le matafaioi fa'apitoa aposetolo i le fa'amautuina o le misiona i le au Samaria e ala i la latou puluvaga o le Agaga....fa'aauau pea.....

O LE MALAMALAMA I OU ALA

Ua ta'u mai e Sagato Mareko iā i tatou o le galuega muamua na tu'uina atu e lesu i le To'asefululua a o ia auina atu i latou i se misiona o le tulī'esea lea o temoni: Ua ia tu'u atu fo'i iā te i latou le pule i agaga leaga. Ua malamalama lelei le Feagaiga Fou i agasala a tagata ta'ito'atasi, ma fa'aletonu uma o le loto a le tagata. Ua iloa fo'i le uiga i agasala fai fa'atasi, le fa'aletonu masani ua a'afia ai malō, fa'alapotopotoga, ma nu'u. E le gata i lea, ua iloa auala fenumi'ai ua galulue fa'atasi ai ma faiga na 'a'afia ai e le tasi le isi.

Ae ua maitauina fo'i e le Feagaiga Fou se tikeri lona tolu a le tevolo, le agasala ua maua mai i se faiga i se tulaga ua sili atu i le fa'anatura. Ua malamalama i agelu na pa'ū'ū, latou o ni agaga e lē mamā ua ta'ua e Paulo o ni ali'i sili ma faipule. I le faiatauga fa'atusi pa'ia, o nei tagata fa'aleagaga ua fetu'una'i e le'i a'afia tonu ae e i ai lo latou a'afiaga i le tele o le loto tigā ma le mafatia ua tatou maua i totonu o tatou fa'apea le si'osi'omia ai o tatou. I se āta tifaga na faia e le ali'i ta'uta'ua o Mel Gibson ua fa'aigoaina – O le Pasio a Keriso – ua fa'apea mai ai o le tevolo o lo'o gaioi lemū i tua o tagata na fa'asauaina ma ta'ita'i atu ai lesu i lona maliu.

O lea la o latou o lo'o mulimuli iā lesu i aso nei, o suli o ulua'i so'o na o atu i se misiona, e tatau ona fa'aaaua ona auai pea ma le tiapolo i tulaga uma lava. Ina ia mautinoa, tatou te feagai atu ma agasala o le loto ma agasala o le tu'ufa'atasia, ae e tatau fo'i, e ala iā tatou tatalo, agapogi, ma le igoa o lesu, faia le taua ma le malosi'aga ua tatou le mafai ona va'aia.

I se gaioiga uiga'ese, na su'i fa'atasi ai e Mareko tala e uiga i le fa'amaloloina o le fafine na maua i le ma'i o le puna toto ma le toe fa'aolaina o le afafine o lairo mai le oti. O nei tala e lua ua fa'amatala maia le pule mamana e fa'amaloloina ai. O lo'o aumai pea e Mareko lesu e le gata o se faia'oga fa'aleagaga ae o lē e toe fa'aleleia foafoaga ua fa'aletonu.

Ae o lo'o i ai se mafua'aga fa'apitoa ua aumai fa'atasi ai e Mareko nei tala e lua, ma o lona auga atoa o le Malumalu. A tatou va'ava'ai lelei i le Tusi o Levitiko – o se tusitusiga so'o se lutaia e loloto lona fa'atuatua i le vaitau o lesu e malamalama lelei lava i ai – ua tatou iloaina o le pa'i a le fafine ua maua i le ma'i o le puna toto po'o se isi lava ituaiga o pa'i atu i se tino oti o le a tu'ua'ia ai lenā tagata ua lē mamā. Ina ia feagai atu ma lenei faigatā, e mana'omia lenā tagata ona alu atu i le Malumalu ma talia fa'atonuga mai ositaulaga o se fa'amamāina. O lenei nofoaga mau a le Atua i le lalolagi nei, o le Malumalu o se alagatatau mo fa'amamaina.

Ae o se fesuia'iga matagofie na faia e lesu! Ona na pa'i atu i le fafine ua puapuagā ma le tamaititi ua oti, ma e le'i fa'apea e le'i mamā o ia ae na ia fa'ao'i maia i la'ua i le olaga maloloina lelei ma le ola. O le fe'au o lo'o manino lelei. O lesu lava ia o le Malumalu fou, o le nofoaga moni e aumau ai le Atua. Ae o ia fo'i, pe a tu'u i se isi fa'aupuga, o le Malumalu o lo'o fealua'i, ona e lē fa'atalitali mo le au puapuagatia e o mai iā te ia. Ua ia alu atu iā i latou i se gaioiga agaalofa.

Tuli'eseina o Temoni

O le tevolo o se pepelo mao'a'e tele, e pei ona lapata'i mai lesu, ma o lona uiga o lana taula'iga o tatou atama'i.. O ana taumafaiga ia musumusu i o tatou mafaufau filemū e aunoa ma lo tatou iloaina, e lē mailoa se'ia faia le leaga.

E tasi se va'aiga e le tineia. Fa'atasi ai ma le fuafuaga maumautū ma le onosa'i, ua ia sa'ilili e fa'avaivaia le tosiga a se agaga mo le mauaina o le mea moni. Ua ia mana'o e sua le fa'anaunauga mo moni fa'aleagaga i le maliega tumau i se lēmautonu ma le fenumia'i. O le moni o le Fa'akerisiano o le autū moni lea o ana osofa'iga. O se liliuga o se agaga i le fa'atuatua o se tau sili lea ua ia sa'ililia. I se musumusuga ma'ale'ale, ua ia tu'uina mai ai ni fete'ena'iga ua sau ai le masalosalo, fa'asusū e pei e pepelo, ma ni masalosaloga e le talafeagai. Ua ia fa'ateleina ma mimilo i nisi o taimi mea ua ta'ua le valea o talitonuga fa'atalitonuga.

E i ai lona alofa fa'apitoa mo fesili e leai ni uiga, mo tomanatuga e aga'i 'ese i auala sesē. O ana taufa'asesē e masani ona ufiifi mai e manatu lelei. O nisi o taimi ua ia fa'aosooso ai mo ni manatu loloto ma le faigata o finauga. E fiafia e mailei se agaga i se manatuaina o lona atamai fa'atagatā nu'u ma le mana'omia ona mafaufau to'atasi, e aunoa ma se fa'amoemoe i se pule mo le moni i lo lona lava fa'anaunauga mo le moni.

O se mea ofogia o le leai o se agaga e tomanatu e sao mai nei taumafaiga a le Tevolo. O se ituaiga o le leai o se fa'aaloalo mo le Atua ua leai ai se manatu mo ni tomanatuga i tua atu o le sesega o le manumalo e mafai ona maua.

O le Pule Na Tu'uina Atu e Iesu i le Toa'sefululu

O ni ali'i e fa'atauva'a ua tu'ua mea uma ona o lesu, ae o ni ali'i pala'a'ai fo'i na tu'ua ma tineia o ia. O latou fo'i na faia ni tapenaga mo le tele o masina, na latou va'ai ai, fa'alogo, ma pa'i atu i le Upu o le ola. Na valauina fo'i e le mamana silisili ma le alofagia, ona fa'amagaloina atu lea ona ole alofa. Na latou fa'alogologo i ana fa'atonuga mulimuli mo le fasesfulu aso, ae o latou loto, *na tuai ona talitonu*, na leai se alu i luma i le tolu tausaga sa latou fa'atasi ai ma ia (Galuega 1: 1 – 6). O le tu'ua o latou e le Ali'i na latou le mautonu ai. O le mafutaga, e ui i le vaivai, ua aumaia fa'atasia i latou i lo latou fa'atuatua, o le usita'i ma le fa'amoemoega atoa.

Atonu sa latou i lalo o le pulega a le upu na tu'uina i o latou loto; aemaise lava, o latou e matitiva. O le "talia ma le malosi" na tuputupu tele i le sefulu o aso lea; sa taumafai pea e fa'amoemoe i le leai o se fa'amoemoe. Sa fa'atalitali, e ui sa le masani ai ona fa'atalitali fa'apea muamua, po'o le a se mea ua na o le Atua e mafaia. O lenei ituaiga o le fa'alaua'iteleina o le loto o le tagata o le sauniuniga mulimuli e le Ali'i o se lē mafaia mo le taimi pe afai o nei lava loto o le vai o le ola o le a avea ma fa'auluuluga o le vai'eli.

Ona, *fa'afuase'ia mai lea* (Galueha 2: 2), fa'atasi ai ma lena fa'afuaseia ua fa'ailoa mai ai le malosi fa'ataupou, le Agaga o lesu ua ulufia ai i latou i lona afio ai moni. Ua le na o se fa'apotopotoga o le au talitonu ae o se fetufaa'iga fou. Ua le o ni tagata agasala ae o ni "fai telosia". Sa masani ona ta'ua o so'o o lesu; a o lenei ua avea ma Aposetolo, o ali'i na "auina atu" e pei o ia i le suafa o le Agaga o le Tamā na fa'au'uina le Upu i lona Liutino ma lesu i lona Toetū; *A ua iā te i matou lenei 'oa i ipu 'omea, ina ia i le Atua le matuā tele o le mana, ae lē mai iā te i matou* (2 Korinito 4: 7). Fa'atumulia e le Agaga, ua fa'aauau ona foliga o ni ali'i matitiva ae o le mea moni lava ua suia i latou: *ona o lea ua ia folafolaina mai ai o mea e silisili 'ese lava ma le aogā, ina ia tofusia fa'atasi ai outou i le amio Atua, ina ia sōsōla 'ese outou i le amio leaga o i le lalolagi i le tu'inanau* (2 Peteru 1: 4); ua fa'amamanaina moni i latou.

O le Tāua o Lenā Ipu Vai Malulū

O le isi togafiti taufa'ase'e a le tiapolo o le fa'afeagai o le fa'amatalaga fa'aulutala. I lo le fiafia o le loto, ua ia fa'amāasiasi ma loto vaivai se'ia taunu'u i le loto mafatia. Ua ia toe aumai agasala o taimi ua tuana'i, fa'atupuina fa'atele lava, ina ia mata'u ai le tagata ma a'afia ai i se mafatiaga pei o se avega mamafa, ua o'o lava i le fa'aletonu. Na galue fa'atasi le tiapolo ma luta. Ina ua o'o i le taimi e faia ai le agasala, ua ave'esea e le tiapolo le mamafa mai lana va'ai; ae mulimuli ane, ua ia aumai i lana va'ai le mamafa o lana soligatulafono i le fa'atau atu o lona Ali'i i se tau maualalo lava ma taunu'u atu i se maliu. O lea, na fa'atauasoina e le tiapolo ona mata i le maoa'e o lana agasala ma ina ua mauaina o ia i le mailei, ma ta'ita'iina atu ai ia i ifeli (cf. Mataio 27: 3 – 5). O lea la, sa ia fa'atauasoina o ni tagata iā latou galuega lelei. Sa ia tu'uina atu o ia mea i o latou luma ma natia ai a latou agasala mai o latou mata, ona fa'aseseina ai lea o latou i le mimita. Ua ia fa'atauasoina fo'i o isi i le natia o latou mai le manatuaina o le alofa o le Atua ma galuega lelei sa latou faia i lana kalasia.

I Sakalameta ua Tatou Fetaia'i ai Ma Keriso le Fa'aola

O le masina o lulai ua tatou patipatia ai Sagata Maria Matalena: o se molimau i le mana lavea'i o le Toetu o Keriso, o se fa'atusa o le fa'aliliuga. O tu masani ai, o le numera fitu e fa'ailoa ai le atoaga. O Maria Matalena sa le mautonu, ma na tu'uina atu o ia i le tiapolo. O lenei "leai o se fa'amoemoe" o se tulaga na suia ai le loto i se fetaia'i ma lesu, ma na filifilia e avea ma ulua'i molimau i le Keriso Toetū. O le fa'anaunau ma le mana a lesu e lavea'ia i tatou ua lē taofiofia e temoni e fitu. E le solomuli ua o'o lava i le pogisā loloto, ona o le pogisā e leai lea i lona malamalama.

E masani o latou ua a'oa'oina i le Kapite mo Tagata Katoliko ua toe fo'i mai e ofo ina ua a'oa'oina o latou e mana'omia ona faia ni kofesio ae le'i talaina i le Ekalesia, ona o le papatisoga o le a ave'eseina ai o le agasala tu'ufa'asolo fa'apea agasala a le tagata lava ia. I le mae'a ai ona uia alagatatau ma su'esu'e o latou olaga, ua latou ofo i le tele o le fa'amagaloga e mafai ona aumai e lesu. Afai o lenei ofoofogia e mafai ona fa'aolaolaina pea, o le a latou fa'apelepeleina le Sakalameta o le Kofesio o se fa'aauauina o le fa'aliliuina ma se poto masani loloto o le alofa ma le agalelei a Keriso.

Ia tatou tatalo mo tatou uma, tatou Katoliko o lo'o fa'afaileleina ma Katoliko liliu mai, ina ia fa'atuatua pea i le alofa e lē uma a Keriso. Ia avea o tatou ofoofogia agamalu e faia ai i tatou ma suli o le mana lavea'i o lona Toetū, mulimulita'i i tulagavae o ia na tamoe' atu e ta'u atu i le 'au Aposetolo, *na ou va'ai i le Ali'i*.

O LE MALAMALAMA I OU ALA

O Kalasia o le Fa'ateleina o Falaoa

O le elemene muamua o le fa'atuatuga i le eukalisitia o le misitelio a le Atua lava ia, o le alofa tasitolu. I le talanoaga a lesu ma Nikotemo, ua tatou maua ai se fa'aupuga ua fa'amalamalama mai ai lenei vaega: *Auā ua fa'apea lava ona alofa mai o le Atua i le lalolagi ua ia aumai ai lona Atali'i e to'atasi, ina ia lē fano se tasi o ē fa'atuatua iā te ia, a ia maua e ia le ola e fa'avavau. Auā e le'i auina mai e le Atua lona Atali'i i le lalolagi ina ia fa'asala i le lalolagi, a ia fa'aolaina le lalolagi iā te ia* (Ioane 3: 16 – 17).

O nei upu ua fa'aalia mai ai le loloto o le punavai o meaalofa a le Atua. I le Eukalisitia e le'i aumaia e lesu se "mea," ae o ia lava; sa ia ofoina mai lona ia lava tino ma sasa'a mai lona ia lava toto. Ona ia aumaia lea le atoaga o lona ola ma fa'aali le amataga tupito o lona alofa. O ia o le Alo e fa'avavau, na aumai e le Tamā. I le Evagelia ua tatou fa'alogo ai i le mae'a ona fafagaina e lesu o le motu o tagata i le fa'ateleina o falaoa ma i'a, na fai atu ai iā i latou na mulimuli iā te ia i le SINOKA i Kapenauma: Ona fetalai atu lea o lesu iā te i latou, "E moni, e moni, ou te fai atu iā te outou, e lē o Mose na avatua iā te outou lenā areto mai le lagi; peita'i o lo'u Tamā, na te avatu iā te outou le areto moni mai le lagi; auā o le areto mai le Atua, o le mea ua alu ifo mai le lagi lea, ma aumai le ola i le lalolagi (Ioane 6: 32 – 33), ma na fa'ailoa atu fo'i o ia, o lona tino ma le toto fa'atasi ma lenā falaoa: O a'u o le areto ola na alu ifo mai le lagi; pe a 'ai se tasi i lenei areto ona ola ai lea o ia e fa'avavau, o le areto fo'i ou te avatua, o lo'ou tino lea, ou te avatua ma ola o le lalolagi" (Ioane 6: 51). O lea ua fa'aalia mai e lesu o ia lava o le falaoa o le ola na tu'uina mai e le Tamā e fa'avavau i le tagata.

O le Eukalsitia ua fa'aali mai ai fuafuaga alofa ua ta'ita'iina ai o tatou tala'aga o le fa'aolataga (cf. Efeso 3: 8 – 11). O lenā o le Atua Tasitolu, o ia o le alofa (cf. 1 Ioane 4: 7 – 8), na avea atoa ma tagata. I le falaoa ma le uaina i lona va'aiga na fa'ailoa mai ai e Keriso o ia lava iā i tatou i le mea'ai fa'apaseka (cf. Luka 22: 14 – 20; 1 Korineto 11: 23 – 26), o le olaga atoa a le Atua ua fa'afeiloa'ia i tatou ma ua fa'asoa ma i tatou fa'asakalameta. O le Atua o se tu'u fa'atasia lelei atoatoa o le alofa i le va o le Tamā, Alo ma le Agaga Pa'ia. I le foafoaga lava ia, na vala'auina le tagata ina ia fa'aso a i le mānavaga o le ola (cf. Kenese 2: 7). Ae e iā Keriso, oti ma le toetū ma le foa'i mai o le Agaga Pa'ia, foa'i e lē fa'atauina (cf. Ioane 3: 34), ina ia avea i tatou ma fa'aso a i le loloto o le olaga o le Atua.

14

SAKALAMETA—FA'ALELEIGA MA LE FA'APA'IAINA I LE EKALESIA I ASO NEI

I le amataga o le seneturi sefululua o le sakalameta o le fa'au'uina ua va'aia lelei o se fa'apa'iaina o le malu po'o le o le a oti. O 'sauniga mulimuli' nei, o se fa'ailoga mo fa'amoemoe uma ua mou atu lea. Ae i le taimi na amata ai ona suia le telosia sa si'osi'omia ai le fa'aleleiga, togisala ma le kofesio, e pei o le manatu i le agasala ua amata ona tuputupu a'e. O le au fai telosia ua amata ona fesiligia le uiga o le fa'atulagaina o le agasala ma agasala laua'itele, ma pe o le vaevaeina o agasala i le moletale ma le veniale ma le so'ota'i i Poloa'iga ua alagatatau i olaga lavelave o tagata ma le fa'aosofiaga mo a latou gaioiga.

O le Fonotaga a le Vatikano Lua sa fautua mo se faiga e fa'aititia ai le fa'aletulafono o lenei sakalameta, e pei o isi sakalameta. O se malamalama'aga i tulaga tau sosaiete na fesoasoani tele ile Ekalesia e malamlama ai i le fa'aosofiaga, o se taula'i na lagolagoina e latou na a'oa'oina le Tuis Pa'ia. O nei aso o tusitusiga a le Tusi

Pa'ia ua malamlamaina e tomanatu i se va feagai ai fa'a i le va o le Atua ma tagata o le Atua, ina ia avea Poloa'iga e sefulu ua avea ma tulaga na filifilia e tagata Israelu e ta'iala ai o latou olaga, ma o le solia o nei Poloa'iga o le a fa'apea ai fo'i ona fa'aleagaina ai le mafutaga fa'aletagata ma le Atua i lo le Tulafono.

Sa ititi lava se fa'amatalaga mai le Fonotaga a le Vatikano Lua e uiga i sauniga o le togisala ma le fa'au'uina, ae na fautuaina e toe iloiloina i le malamlama'aga i le va'aiga mai le fonotaga i faigataulaga ma sakalameta. E tolu sauniga fou mo le fa'aleleiga na lolomiina ma o se sauniga fou o le fa'au'uina na saunia, ina ia tali atu ai i le sauniga mai anamua i lo le auala na fa'ataunu'u ai i lenā taimi. Na fa'atuina mai e le Fonotaga ina ia fa'aigoaina le sakalameta mo ē mama'i.

O le moni o le sakalameta o le togisala i aso nei e to'aititi Katoliko o lo'o fa'aogaina. O nisi o le au fai

FA'ALELEIGA MA LE FA'APA'IAINA I LE EKALESIA I ASO NEI

telosia ua fa'apea mai ua lē toe i ai se a'afiaga tele e feagai atu ai ma le fenumia'i o le olaga i nei aso. O nisi o fa'apotopotoga ua manana'o i le sauniga fai tele i lo le kofesio ta'ito'atasi. O le kofesio ua fa'aogaina nei o se sauniga fa'afa'apotopotoga pe ta'ito'atasi fo'i e sa'ilili ai vaega o agasala a tagata ta'ito'atasi, fa'apotopotoga ma le sosaiete ma le fa'aleleiga.

O le sakalmeta ole fa'au'uina o le ma'i ua avatu 'i le taimi ua iloa ai ua lata se tasi o le au fa'atuatua ona maliu po'o le matua i tausaga (SC 73). O le sauniga na toe iloiloina ua mafai ai ona patipatia na o le sakalameta o le fa'au'uga o le ma'i fa'apea le tu'u fa'atasia ma le togisala po'o le fa'aleleiga ma le Eukalisitia. O le sauvinga e mafai ona patipatia e le ositaulaga ma le tagata ma'i fa'apea fo'i nisi o lo'o fa'atasi ai. O faiga uma lava o nei sauniga o lo'o fa'amamafa mai ai le fa'amalogia ma le fa'amalosi i lo le fa'amagaloga o agasala. O le suā'u e lē tu'uina i fa'alogo'aga e lima ae i luga o lima ma le muaulu. O le tatalo i le taimi o le sauniga ua fa'apea:

la fa'atumauina oe e le Ali'i
i le mana o lona Agaga Pa'ia
ona o lenei fa'au'uga
ma lona alofa tele mo oe. Amene.
la fa'afeololo e ia lou tigaina
Ma foa'i mai lona alofa tunoa e fa'aolaina ai
A ua tu'usaunoa oe nai le agasala. Amene.

O le suiga tele i le telosia o lenei sakalameta o le maitauina lea e tatau ona fa'atinoina e lē o se nofoaga e leai nisi e 'au ai ae i le 'au'aunaga fa'alafulēmū i le ma'i, ua a'afia ai ua lē gata i le ma'i ae o latou uma ua puapuagatia. O lenei va'aiga ua iloa ai le sakalameta ua mafai ona 'au ai o tamaiti ma latou e lē lelei mafaufau, pe afai e malamalama ma fa'ailoa le naunauta'iga a le Atua mo lo latou toe malosi mai. O aso nei ua avatu fo'i i le au matutua, latou ua vaivai ma latou o le a sauni atu moni ta'otoga tetele, e ui e leai se fa'amata'u o le otī. E mafai e tagata ona taliaina pe fa'afia lava ona manana'o i ai...fa'aauau pea

15

O LE PESE A LE 'AU'AUNA

**O LONA SUAFA E PA'IA: O LONA ALOFA E MAUTINOA MAI AUGATUPULAGA I AUGATUPULAGA AGA'I
ATU IĀ I LATOU E MATATA'U IĀ TE IA**

Tā te osi sa ta feagaiga ma a'u e fa'avavau, tā osi se tā feagaiga ma a'u i le amiontonu ma le fa'amasinoga ma agalei ma le alofa. Tā te osi se tā feagaiga ma a'u ma le fa'amaoni; e te iloa fo'i le Ali'i (Hosea 2: 19 – 20).

Ia Maria, le Eva fou, ua fa'amamaluina e le Atua lona igoa, lona uiga, o lona pa'iaga ma le alofa. Ma ua fa'aupu uma e Maria o pese uma a Israuelu i le igoa o le Israuelu fou, o tagata aoao a le Atua na filifilia mai nu'u uma; ua ia peseina le vi'iga o le Atua ua fa'amauna lona pa'iaga e lona alofa. Ua ia folafolaina fo'i o le Atua, ona o lona pa'iaga, ua te'ea le mimita, e ao o lana mafua'aga o le fa'amamaina o ona tagata, ma fa'ailoa le fa'amagaloga ma faia i latou ina ia pa'ia. Ua va'aia e Maria ua fa'ataunu'uina le folafolaga a le Ali'i: "Efaraima e,

Ou te mafai fa'apefea ona tu'u atu iā te oe? Israuelu e, ou te tu'uina atu oe fa'apefea? Ou te mafai fa'apefea ona tu'uina atu o oe e pei o Atama? Ou te tu'uina atu oe fa'apefea e pei o Sepoima? Ua liua lo'u loto i totonu iā te a'u; atoa fo'i ma lo'u alofa mutimutivale ua tupu. Ou te lē fa'ao'o lo'u ita tele; ou te lē toe fa'aumati Efaraima; auā o a'u o le

Atua, ae lē se tagata, o le Pa'ia o lo'o i totonu iā te oe; ou te lē alu atu ma le ita (Hosea 11: 8 – 9).

Ia Maria ua avatu iai se manatu o le Atua i se auala uiga 'ese. I le pese a lona olaga, o lo'o i ai se fete'ena'i ma se lotogatasi i le va o le mata'u i luma o le Atua e pa'ia ma le fa'atuatuauga i lona alofa agamalū. O Maria, ua fa'apa'iaina e le pa'iaga a le Atua mai le ulua'i taimi o lona olaga ma na ia lagonaina le afio ai pa'ia se'i o'o i le i'uga, o ia lava o se fa'ailoga sili o le alofa ole Atua, o le, ona o lesu, na puipui iā te ia mai agasala uma. O se fa'ailoga o le soifua maloloina lelei fa'aleagaga pe afai o le mata'u i le Atua ma le fa'atuatua i lona alofa e malosi. O Maria o se fa'ata'ita'iga o le Ekalesia, le fa'ata'ita'iga o le au talitonu uma. E le mafai ona pa'ia le Ekalesia vaganā ua vivi'i pea i le fa'amagaloga a le Atua ma lona onosa'i. E fa'apea fo'i ona le mafai ona vi'ia le agalelei o le Atua iā te ia e aunoa ma se fa'aali o le agalelei iā i latou ua agasala, le au matitiva ma latou ua leai ni aiga. O le mea e mulimulita'i ai le Ekalesia ia Maria, lona fa'ata'ita'iga, e leai se tasi e mafai ona tu'ua'ia ua le aogā. O le mata'u i le igoa pa'ia o le Atua ua puipua mai ai lenei

O LE PESE A LE 'AU'AUNA

**O LONA SUAFA E PA'IA: O LONA ALOFA E MAUTINOA MAI AUGATUPULAGA I AUGATUPULAGA AGA'I
ATU IĀ I LATOU E MATATA'U IĀ TE IA**

faigatā.

O le au faitulafono ua molia le tagata i le savalia o upu a le Tulafono, ma ua leai se alofa i tagata, e ui o lo'o va'aia ni uiga lelei, ua maua i latou i tulaga le talafeagai, ua leiloa le igoa pa'ia o le Atua. O le olaga ma le pese a Maria o ni fa'aupuga i a'oa'oga, "Amuia ē alolofa atu; auā e alofaina mai i latou" (Mataio 5: 7). Ua talafeagai le vi'ia o ia 'O le Tinā o le alofa'. O ia o le tinā o le Tasi e alofa e fa'avavau.

Ua fa'apa'iaina i tatou e le fai mea tonu a le Atua, lona alofa. E leai se tasi ua mafai ona ola fa'amasinoga fou e aunoa ma le sauniuni e mulimuli atu ia Keriso i lona agalelei ma le agamalū. Ona ua tu'ufa'atasia i le alofa mutimutivale a Keriso, fa'atasi, o tatou uma ua mafai ona viv'i atu i le suafa pa'ia o le Atua.

Le Atua e pa'ia ma le agaalofa

Tu'uina mai ina ia matou vivi'i atu i lou igoa ma le mata'u pa'ia

i le fa'atuatua ma le fiafia.

Ia avea o matou olaga atoa e vivi'i ai lou alofa ua e fa'ailioa mai ia i matou

Ma ua e finagalo fo'i e avatu i isi

Aumai ia i matou le loto tele e feagai atu ai i o matou fa'afitauli

i le fa'atuatua loloto o lou alofa pa'ia ua mafai ona

fa'amaloloina i matou.

Totō iā i matou se manatu fa'afetai e le galo pe fa'afia ona e fa'ailioa mai lou alofa

Ma ia matou mafaia ona sauni e fa'amagalo atu i o matou uso ma tuafafine,

e le gata e fa'afitau ae fa'afitau -sefulu ni fitu.

Ia avea i matou ma lau evagelia ola o lou pa'iaga ma le alofa.

Fa'afetai ia te oe, Maria, le Tina ole Fesoasoani e Fa'avavau.

O lou pa'iaga imakulata ma lou agamalū o ni lu'itau sili ia mo matou

E liliu 'ese mai ai le mimita ma le manatu fa'apito

Ma avatu i le Atua le mamalu.

Fa'afetai mo lou fa'amafanafanaga ia i matou i lau pese o le alofa ole Atua.

Tatalo mo matou ina ia fa'amatala e o matou olaga atoa le fa'atuatua fa'atamaitiiti

i le Tamā alofa mo tagata uma, ma ia aua ne'i o matou fa'agalo e ui o lea e latalata mai a o la fo'i e taumamao isi ma i matou;

O ia o le Tasi e pa'ia ma o matou, o ni mea ola ma ni tagata agasala, ua mafai ona o mai ia te ia ona ua ia fa'anofo lona pa'iaga ia i matou e ala i lona alofa pa'ia. Amene.

16

PHOTO GALLERY



Patele Andrew Atonio lea ua ta'ita'i le Ituaiga i Niu Sila nei ma le Pasefika - 30 Tausaga



Patele Iosefo Timu
30 tausaga



Patele Talipope
29 tausaga



Patele Tuli Paulo
10 tausaga



Patele Isaac
9 tausaga



Patele Joseph
8 tausaga



Patele Vijay
7 tausaga

PHOTO GALLERY

Matou te fa'apoipoi fa'alau tu vanu i ou pa'ia ma ou sa Samoa, auā o oe ole ao mamala, e leai se na te toe fati se ala pe si'i se matalalaga, auā o lele ua paepae ti'a i ulupagā, ua atoa fo'i ti'a o le tautiaga. A lūlū la le aveo, ua sa le pisa, sa le pa'ō, ae nā ona pati ma pōpō. O lo'o ua mapu ane ali'i seu i fale matū, ua usu fo'i manu ile tia, ae fa'alele le manu o le vateatea ua ifo i lona faga.

Fa'amalo le onosa'i, malo tauasa. Ua o se togi le seu na lagitila ae fa'apulou i le tualima, fa'afetai malo fai o le faiva, auā o lenei ua a'e ma le malo le fa'atamasoali'iga a le 'aiga sa Mekitaseko, sa tapua'ia e tua ā sinasina, o 'aiga ma uo, ae tainane le tatou Kapelania sa noamanū i le Atua ina ua alofagia le fa'amoemoe.

O le aso 22 o luni sa faia ai se Misasa fa'apitoa i le Palisi a le 'Aiga Pa'ia i Porirua, e fa'amanatu ai tausaga e tele, talu ona avea ma Ositaulaga nisi o latou mai le Ituaiga o le Misionare o le Fa'atuatua, o lo'o galulue i Aotearoa - Niu Sila nei.

O lenei ua tali mai le lagi! O le fetalaiga i Foga'a, 'E ta tagata Leatiogie, ae patipati ta'oto ai le Fe'epo. O le vi'iga la e lē fa'aititia ona fa'ao'i atu i le Atua, auā ua faia e le Atua mea silisili mo tatou. Fa'afetai tele le Atua, o lau pule ua malie o, ua malie fa'asaō. Fa'apea fo'i ona tatou ave le fa'afetai i le ituaiga o le Misionare o le Fa'atuatua ona o le taliaina o le fa'atala'u'ula atu a lana Afioga Katinale John Dew mo se fesoasoani.

Ia fa'amanua le Atua ia i latou nei, maua le soifua laulelei o le tino, le mafaufau ae fa'asilisili i le agaga ina ia sao ma uli ona faiva alofilima. Ia mamao ni mala ma ni puapuaga, a ia sagai ane 'ai o le tama fa'atumuina lana utu i le alofa faale Atua.

Fa'afetai, Fa'afetai, Fa'afetai Tele Lava.

17



FAITAUGA MO LE MASINA O IULAI 2021

ASO SA 14 TAUSAGA MASANI

- Faitauga 1: Esekielu 2: 2 – 5: **Matua:** O le aiga fouvale i latou, latou te iloa sa i ai le perofeta iā te i latou.
- Salomo: 123: 1 – 2 (tali), 3 – 4 (tali) : **Tali:** Ua va'ai a'e tatou mata i le Ali'i, seja alofa o ia a te i tatou. .
- Faitauga 2: 2 Korinito 12: 7 – 10: **Matua:** 'Ou te mitamita i mea ua 'ou vaivai ai, ina ia tūmu i o'u luga le mana o Keriso.
- Aleluia, Aleluia....O a'u nei o le malamalama o le lalolagi; o lē mulimuli mai iā te a'u e iā te ia le malamalama o le ola ... **Aleluia.**
- Evagelia: Mareko 6: 1 – 6 : **Matua:** E leai se perofeta e lē mamalu, na o lona lava nu'u e lē mamalu ai.



Tofitofiga O le Upu: E masalomia e to'atele le 'au fa'atutaua e maua i ni lagona o le fa'anoanoa ma le faigatā o le olaga mai lea taimi i lea taimi e ui o la e taumafai e ola a'i e pei ona aumai e le evagelia. O faitauga e tolu o le asō ua fa'amanaatu maia le moni, e lē o ofoina maia se olaga alu lelei ona o le talitonu. Ae o faitauga ua tu'uina maia se manatu ua fa'afesaga'i. O le olaga o le perofeta o Esekielu sa fa'ailogaina e avega mamaefana na avatu i ai e le Ali'i – ma o lona fa'amaoni na 'tauia' i le fa'anoanoa ma le mafatia. E le'i avatua fo'i i ai le fa'amafanafanaga o ana upu o le a aogā. E ao ona ia perofetaina 'pe latou te fa'alogi pe leai'. O Paulo sa avatu atoa lona ola ma lona malosi i le folafolaina o le evagelia ua fa'aosofia e le mis-

itelio o le 'mea matuitui i le tino'. E maofa - ae leai se uiga – e mafaufau ai po'o le ā. E lē tāua lea – o le mea taulia ua tu'uina fa'atasi ma le upuleagaina, meafa'atigā, faileagaina ma tigā na ou o'o i ai ona o Keriso. Ae o na mea uma e leai se tāua ona 'O la'u kalasia ua lava lea mo oe.' Na o'o lava ia lesu ia i lona nu'u sa te'ea o ia. O Esekielu, Paulo ma lesu sa tu'uina atu i ai le upu a le Atua, ma o lena upu e lē aumaia se fa'amafanafanaga i lē e folafolaina. O se tali aupito leaga i le tigā o le te'ena, o le taumafai lea e fausia ni upu e tau foliga e aumaia se fa'amafanafanaga – ona avea lea e le o ni upu a le Atua ua ofoina mai le atoaga o le ola, ae o upu a le tagata e noa e leai ni uiga.

18

ASO SA 15 TAUSAGA MASANI

- Faitauga 1: Amosa 7: 12 – 15 **Matua:** Le tagata va'ai e, alu ia, inā vavalō i lou nu'u o Israaelu.
- Salomo: 85: 8 – 9 (tali), 10 – 11 (tali), 12 – 13 (tali) : **Tali:** Le Ali'i e, ia e fa'ailoa mai iā te i matou lou alofa; ia e foalina mai fo'i iā te i matou le olataga mai iā te oe.
- Faitauga 2: Efeso 1: 3 – 14 : **Matua:** Na ia filifili mai iā tatou ona o Keriso, a o le'i fa'avaeina le lalolagi.
- Aleluia, Aleluia...O a'u nei o le malamalama o le lalolagi; o lē mulimuli mai iā te a'u, e iā te ia le malamalama o le ola ... **Aleluia.**
- Evagelia: Mareko 6: 7 – 13: **Matua:** Ua aau atu e lesu iā te i latou.



Tofitofiga O le Upu: O le faitauga manaia mai Efeso o lo'o vala'auina Kerisiano e fiafia ina ua filifilia – filifilia e le Atua iā Keriso. O le agaga fiafia a Paulo ua susulu atu lea i tagata – ma sa tatau ona pa'i atu iā i latou uma sa fa'alogologo a o folafola i le Sauniga. O lo'o i ai se mana'oga fa'aletagata ina ia filifilia – ma e le fa'apea ona e sili atu i lo isi – o lo'o fa'aalia le fa'ailoa mai o lou lava tagata. O le mafuaga lenā ua tatou manino lelei ai i lo tatou fa'atutuaga Kerisiano: na filifilia fa'apitoa ma le mautinoa e le Atua tagata ta'ito'atasi – ma le anoanoa'i o isi – ona o le alofa.

E le fa'ape la ua filifilia ona faigofie ai lea o le olaga – o Amosa o se tagata na vala'auina mai lona olaga masani e avea ma perofeta na feagai atu ai i le te'ena mai le malō o lenā vaitau.

Ma le to'asefulu ma le lua mai le evagelia fo'i – na filifilia mo le galuega faugatā o le folafolaina o le salamō, ma na fa'ailoa atu i ai o le a i ai ni nu'u o le a te'ea i latou ma le amana'iaina o a latou a'oa'oga. Ae ui i lea, o se vaega o le filifilia o le fa'atino lea o le galuega ua tofia ai. o Amosa ma le to'asefulu ma le lua sa talia leleia le te'ena ona o le 'oa o le kalasia' na sasa'a atu iā i latou. So'o se Kerisiano lava ua fa'aosofaina i upu a Paulo e mafai ona tali atu i lenā vala'au ona o le mamalu o le kalasia ua talia – o le mea alofa e foa'i fua mai mo i tatou i le alofa.

FAITAUGA MO LE MASINA O IULAI 2021

ASO 16 TAUSAGA MASANI

Faitauga 1: Ieremia 23: 1 – 6 : Matua: ‘Ou te fa’apotopoto i e totoe o la’u lafu mamoe; ou te tofia fo’i mo i latou o leoleo mamoe.

Salamo: 23: 1 – 3 (tali), 4 (tali), 5 (tali), 6 (tali) : Tali: O le Ali’i, o lo’u leoleo mamoe o ia; e leai se mea ‘ou te mativa ai.

Faitauga 2: Efeso 2: 13 – 18 : Matua: O ia lava o lo tatou leleiga, ua na faia ia tasi e sa fa’alua.

Aleluia, Aleluia...O a’u mamoe e fa’alogo mai i lo’u leo, ua ‘ou iloa fo’i i latou, ua latou mulimuli mai fo’i iā te a’u ... Aleluia.

Evagelia: Mareko 6: 30 – 34 : Matua: Ua fa’apei o mamoe i latou e leai so latou leoleo.



Tofitofiga O le Upu: O le fa’atusa o le leoleo mamoe i le tusi pa’ia ua tatou masani ai, ma e to’atele fo’i ua fafia ma masani i le Salamo o le asō – O le Ali’i o lo’u Leoleo Mamoe. Ae o le tagata o le leoleo mamoe o se lu’itau – fa’apea o se fa’amafanafana i le au fa’atuatua. O le faitauga mai iā Ieremia ua si’si’i atu ai le lu’itau i upu muamua ‘Oi Talofa i le ‘au leoleo mamoe’. O lo’o tautala atu i ta’ita’i o Isaraelua ua fulitua i le vala’auina ma mamoe sa tu’uina atu i la latou tausiga. E i ai tagata o le a fa’alogo i faitauga nei i le Misasa sa fa’alogoina le mafatia i le ti’aiina e le ‘au

leoleo mamoe – ma atonu e sili atu le leaga i lo le tia’iina. Ma o latou uma e i ai le tausiga fa’alafulemū, atonu o le a’oa’o ai i nei upu, e ao ona lu’itauina ai. O mamoe a le Ali’i, ma o le Ali’i o le a fa’amasinoina i latou sa tu’u atu i ai le fa’atuatuauga e leoleoina i lona suafa – o le lu’itau lenā ma o se lu’itau e ao ona tauave ma le loto atoa. E le gata i lea o lo’o fa’amafanafana le Atua iā Ieremia o lo’o a’afia ai ma ia fo’i: ‘Ou te fa’apotopoto fo’i...ou te tofia fo’i mo i latou o leoleo mamoe...e leai so latou e lē iloa’. I si manatu o le faitauga mai iā Mareko ua fa’amalosia ai lenā fe’au. O lo’o

ASO SA 17 TAUSAGA MASANI

Faitauga 1: 2 Tupu 4: 42 – 44 : Matua: Latou te ‘a’ai, ae totoe lava.

Salamo: 145: 10 – 11 (tali), 15 – 16 (tali), 17 – 18 (tali) : Tali: Le Ali’i e, o lo’o e fa’amafolou ‘a’ao ma fa’amao’ona i matou..

Faitauga 2: Efeso 4: 1 – 6: Matua: E tasi le tino, e tasi le Ali’i, e tasi le fa’atuatuauga, e tasi le papatisoga..

Aleluia, Aleluia....O a’u mamoe e fa’alogo mai i latou i lo’u leo, ua ou iloa fo’i i latou, ua latou mulimuli mai fo’i iā te a’u ... Aleluia.

Evagelia: Ioane 6: 1—15. Matua: Ua tufatufa i ē ta’o’oto, ua avatu fitalia i latou.



Tofitofiga O le Upu: O le evagelia o le vaiaso ua tuana’i na fa’ai’u i se nofoaga sa tau fa’amatala ai e Mareko le vasega o le fafagaina o le motu o tagata sa mulimuli atu iā lesu. O latou na saunia faitauga ua aumaia loane mo lea fa’amatatalaga, ona tu’uina maia lea o le talanoaga na mulimuli mai ai. I le telosia a loane o galuega a lesu ua le fa’amatatalaina o ni vasega ae o fa’ailoga, ma o fa’ailoga e tatau ona fa’amatatalaina ma malamalamaina ma o vaega ia a lesu e fai i tusitusiga a loane. I le masani ai o fa’amatatalaga a loane o mea na tutupu o ni fuafuaga uma ia a lesu – ma o le fa’atinoa atoa o ia gaioiga, o lesu lava e fuafuaina mea uma lava e tutupu. E masani ai fo’i o le lesu a loane le fa’apuga ‘ua ia silafia lelei le mea o le a ia faia.’ O lo’o ta’ua mai ai o gaioiga uma lava a lesu e le o se manatu fai fa’afuase’i i se tulaga ua mana’omia, ae o fuafuaga lelei o le fa’atinoina o a’oa’oga, i le fa’aogaina o le faf-

gaina o le motu o tagata o se avanoa e fa’ailoa atu ai le misitelio o Keriso.

O le faitauga pu’upu’u muamua mai le tusi e lua o Tupu ua aumaia se fa’atomuaga o le fafagaina o le to’atele ae itiiti lava – ae aoga le maitauina ua na o loane – ae lē o evagelia sinopi e tolu – o lo’o talanoa mai o areto karite ma ua faia se feso’ota’iga fa’apitoa i le tala e uiga ia Elisaia. O lo’o i ai fo’i ma le faiga masani o nei tala e lua – e le lava le mea’ai e fafaga ai le ‘au fia ‘a’ai – ma o se agalelei nauā ona o le tele o mea’ai na totoe – o se fa’amanatu mai lea o le Atua anoanoa’i i taimi uma.

O le faitauga mai iā Paulo o se vaega mai Efeso ua manu a’e so’o; o lana fe’au lava e aoga le fa’alogo so’o pea i ai.



FAITAUGA MO ASO SA MUAMUA O IULAI 2021

ASO SA 18 TAUSAGA MASANI

Faitauga 1: Esoto 16: 2 – 4, 12 – 15

Matua: Ou te fa'atotōina ifo le mea e 'ai mai le lagi mā outou.

Salamo: 78: 3 – 4 (tali), 23 – 24 (tali), 25, 54 (tali)

Tali: Na avatua e le Ali'i iā te i latou o mea e 'ai mai le lagi.

Faitauga 2: Efeso 4: 17, 20 – 24

Matua: la 'o'ofu outou i le tagata fou ua faia e foliga i le Atua.

Aleluia, Aleluia...O a'u nei o le ala, ma le upu moni, ma le ola, a lē alu atu lava se tasi i le Tamā, pe a lē ui mai iā te a'u ...Aleluia.

Evagelia: Ioane 6: 24 – 35

Matua: O lē sau iā te a'u, e lē fia 'ai lava ia; o lē fa'atuatua fo'i iā te a'u, e lē toe fia inu lava ia.

FA'ASOLOGA O MISASA SAMOA MO IULAI 2021

20

Aso Sa Muamua			
4 Iulai 2021	08:30 am	Holy Trinity—Seatoun	Patele Tuli
	11:30 am	Titahi Bay	Patele Tuli
Aso Sa Lua			
11 Iulai 2021	11:30 am	Naenae	Patele Maleko
	12:00 pm	Taita	Patele Tuli
Aso Sa Tolu			
18 Iulai 2021	11:00 am	Newtown	Patele Maleko
	11:00 am	Porirua	Patele Andrew
	11:30 am	Te Wairua -Tapu - Wainuiomata Misasa Samoa Tu'ufa'atasi Petone	Patele Tuli
Aso Sa Fa			
25 Iulai 2021	11:00 am	Lower Hutt	Patele Tuli
	11:30 am	Stokes Valley	Patele Maleko

KALENA MO IULAI 2021

9 Iulai

6:00pm Fonotaga
Kapelania @
Catholoic Centre

11 Iulai

Youth Rally @ St.
Joseph Upper
Hutt

